


九卷 婦人科
 ○ 經假 五 帶下 下
 崩漏 七七
 胎前 六
 難產 七九
 產後 八
 十卷 小兒科
 初生護養 八
 月裏衆疾 八二
 痘疹 八三
 驚風 八七
 疳積 八八
 疳積 九一
 疳積 九二
 疳積 九三
 疳積 九四
 疳積 九五
 疳積 九六
 疳積 九七
 疳積 九八
 疳積 九九
 疳積 一〇〇





大學東
校籍
局之印

七五

訂補明醫指掌卷之九

仁和書院皇甫中編輯

長洲念山邵從臯參補

子繩山邵 達校訂

婦人科一切衆疾與男子同惟經水帶下血崩胎產等症不同故古人另立婦人科以別之

經候

歌婦人天癸有常經血滿衝任匝月行不及期來知是熱過期血少自分明若然色淡因痰滯熱極多來紫黑形氣滯臨行先作痛虛時行過腹中疼去

多不住加涼血來少無疼大補榮經閉要推虛實
候血枯氣隔熱痰因

論夫經者常也然衝任二脉為經脉之海血氣之行

外循經絡內榮臟腑氣血調適運行不息一月之

間衝任血溢而行經云月事以時下此常經也其

或太過不及或多或寡或紫或淡則失其常候而

為之病也故有虛實冷熱之殊善治者必審其因

而調之復令充其元氣以復其初斯無病患也

按褚氏云女人天癸既至踰十年無男子合則不

或前或後
此四字有
如之

務

調未踰十年思男子合亦不調不調則舊血不出

新血誤行或漬而入骨或變而為腫寇氏亦云室

女經閉成勞者多由積想在心故也王節齋曰婦

室經脉不行多因脾胃傷損不可便作經閉血凝

輕用通經破血之藥遇有此症便須審其脾胃如

何若因飲食勞倦損傷脾胃少食惡食泄瀉疼痛

或因誤服汗下攻剋之藥傷其中氣以致血少而

不行者只宜補養脾胃用白朮為君茯苓芍藥為

臣佐以黃耆甘艸陳皮麥芽川芎當歸柴胡等藥

脾旺則能生血而經自行矣。又有飲食停滯致損脾胃者亦宜消食補脾。若脾胃無病果有血塊凝結者方宜行血通經。

脉經曰寸關調如故而尺脉絕不至者月水不利。當患少腹引腰痛氣滯上攻胸臆也。○寸口脉浮而弱浮則為虛弱則無血。○關脉沉主月水不利。腹脹滿。○尺脉滑血氣實。婦人經脉不利。○少陰脉弱而微微則血少。弱則發熱。

●虛

經候行過而作痛者血氣俱虛也。八珍湯經水過期而行血不足也。四物湯加黃耆陳皮經水不調而血色淡黃者血少也。四物湯加人參黃耆香附腹中痛再加蘆艾阿膠血氣受傷或生育多而瘦弱經閉不行。四物加桃仁紅花。

四物湯 此湯為婦人室女補血之要藥也

當歸 二錢 熟地黃 二錢 川芎 一錢 白芍藥 炒一錢

右剉一劑水二盞煎八分服加減法見血症。

八珍湯 此湯大補氣血兩虛一名八物湯。

白朮 炒二錢

白茯苓 二錢

人參 一錢五分

甘草 炙八分

當歸 二錢

熟地黃 二錢

川芎 一錢五分

白芍藥 一錢五分

右剉一劑。水二大鍾。煎至八分。空心服。

●熱成

經水不及期來者。血熱也。四物湯加黃芩黃連柴胡香附。經水來而血色紫黑者。丹溪云。血紫黑。熱極從火化故也。經水去必多。或作痛。四物湯加黃芩黃連黃蘗。倍芍藥。經水去多。十數日行不止。此血熱也。三補丸加莎草根敗龜板荆芥生地柴胡。

三補丸

治三焦熱火之要藥。使火邪退而血自清。

黃連

三錢去毛炒 真川者佳

黃芩

三錢炒

黃蘗

三錢去皮炒褐色

右為極細末。蜜丸白湯下。加山梔。名梔子金花丸。

四物湯

方見前

●痰多

痰多佔住血海地位。因而下多。目必漸昏。星芎丸。肥人經閉是痰隔。導痰湯加黃連川芎。瘦人經閉是氣滯。四物湯加木香檳榔枳殼香附桃仁紅花。經水過期色淡。痰也。二陳湯加川芎當歸貝母天

花粉臨行腹先痛氣滯血實也。四物湯加玄胡索蓬朮枳殼木香桃仁香附。

星芩丸 治女人脂肥痰多佔住血海因而下多者。

南星製四兩 蒼朮泔浸四兩 川芎四兩 香附童便浸三日炒四兩

右為細末蒸餅糊丸菉豆大每服百丸白湯送下。

二陳湯 此湯治痰之都管但引用不同隨宜斟酌。

陳皮一錢 半夏薑製一錢 茯苓一錢 甘草炙六分

右剉一劑水二鍾生薑三片煎至八分空心溫服。

導痰湯 卽二陳湯加南星炮一錢枳殼炒一錢。

赤白

帶下二

歌婦人帶下為何因風寒氣熱乘胞門精氣累滯于

帶脉因而帶下得其名溼痰下注或溼熱赤白須

將氣血分。

論夫帶下者由溼痰流注于帶脉而下濁液故曰帶

下良方以為起于風氣寒熱之所傷或不避風邪

入於胞門或中經脉留傳臟腑而發或傷于五臟

而見五色之帶但專用燥熱治之其謬甚矣機要

以赤者熱入小腸白者熱入大腸其本實熱鬱結

七六

無不云

不散則為赤白帶下。多用寒涼攻下之劑。東垣以血少復亡其陽。故白滑之物下流。亦有溼痰流注于下焦。或腎肝陰淫之溼勝。或緣驚恐而木乘土位。濁液下流。或思慕為筋痿。所謂二陽病也。多用補劑而兼升提。丹溪專主溼熱下注。故以化痰而兼止澀之劑。古人立論。殆盡病情。而治法無定。後學弗知所措。不能無疑。大抵屬痰與熱者居多。陰寒者十無一二。學者仍須精察虛實遲數之脉。細審寒熱溼痰之症。治之斯無執一之患也。

脉帶下崩中。脉多浮動。虛遲者輕。實數者重。

寒

白帶腥臭多悲不樂者。寒也。陽氣極虛。桂附湯。婦人赤白帶下。脉息沉微。腹痛。陰中亦痛。經水愆期。子宮虛冷。不能成孕者。元芩六合湯。

桂附湯 治婦人白帶腥臭。多悲不樂。大寒之症。

- 肉桂 一錢
- 附子 炮三錢
- 知母 酒炒五分
- 黃蘗 鹽酒炒五分
- 甘草 炙五分
- 升麻 五分
- 人參 七分
- 黃耆 蜜炙一錢五分

右剉一劑。水二盞。煎八分。食前溫服。

元戎六合湯 治婦人帶下。腹中疼痛。陰中亦痛。

卽四物湯 四錢見前 加肉桂附子 各五分 食前煎服。

虛

白帶久不止。臍腹冷痛。陰中亦痛。經水不止。或因崩後脉弱無力。痠痛。東垣固真丸。產後去血過多。經水不調。白帶如傾。淋瀝腥穢。衛生湯。

東垣固真丸 治白帶久不止。臍腹冷疼。陰中亦然。

白石脂 燒赤一錢 另研 柴胡 酒製一錢 黃蘗 去皮酒炒一錢

當歸身 二錢 白芍藥 一錢 乾薑 炮四錢 白龍骨 煨二錢 另研

右爲細末。水煮糊丸如梧桐子大。每十九。空心下。

衛生湯 治帶下不止。脉微而弱。臍腹疼痛。

白芍藥 三兩 當歸身 三兩 黃耆 蜜炙三兩 甘草 一兩

右剉一劑。水二盞。煎至八分。空心服。

熱

內熱脉數。赤白帶下不止。枸杞根一兩。生地黃五兩。酒一斗。煮至三升。服。赤白帶。內火盛。陰虛煩熱。

二黃三白丸。益母草末。酒調服。或白芷散。

二黃三白丸 治白帶。因七情所傷。而脉數者。

扁柏 酒蒸 五錢 黃蘗 炒 五錢 香附 醋炒 一兩 白芍藥 炒 一兩

白朮 炒 一兩 黃連 炒 五錢 椿皮 炒 二兩 白芷 煨 存性 二兩

右為末。粥丸如梧桐子大。每服七十九。米湯送下。

白芷散 治女人赤白帶下。火熱內盛。

白芷 一兩 胎髮 一團 海螵蛸 二枚 為末。酒送下。

濕痰

濕痰結注于下。白帶淋漓。先以小胃丹開導閉鬱。後用白朮丸。濕痰下注。半夏南星海石炒黃蘗蒼朮樗根皮青黛香附滑石蛤粉陳皮茯苓。

小胃丹 取膈上溼痰熱積。以意消息之。欲利。空心服。

芫花 半兩好醋拌一宿瓦器內炒不住手攪令黑不要焦

甘遂 半兩溼麩裏長流水浸半月再用水煮曬乾

大戟 半兩長流水煮一時再用水洗曬乾

大黃 一兩半溼紙裏煨勿令焦切片焙乾再用酒潤炒熟

黃蘗 三兩炒 為細末。粥丸如麻子大。白湯送下。

白朮丸 治赤白帶先以小胃丹開導。後用此補之。

白朮 二兩炒 黃芩 五錢 白芍藥 七錢 紅白葵花 二錢半

右為極細末。蒸餅糊丸。空心煎四物湯下五十九。

●溼熱

肥人白帶陰戶痛身黃皮緩身重陰中如水濕也
升陽燥濕湯溼而挾熱者大便或泄或閉小便澀
脉實而氣盛溼熱者十棗湯下之。

升陽燥溼湯 治白帶陰中痛身重如山身黃皮緩。

黃芩炒一錢 柴胡八分 防風一錢 甘艸六分

陳皮八分 良薑一錢 乾薑一錢 郁李仁一錢

白葵花七朶 剉一劑水二鍾煎至八分空心服。

十棗湯 治濕痰猛烈之劑用之者當以意消息。

甘遂五分 大戟五分 芫花五分 棗十枚

右用水二鍾煎八分溫服以利為度。

○崩漏三

歌婦人何故有崩中。只為勞傷任與衝經為氣虛無
約制故令暴下若山崩因寒因熱因勞損帶補兼
升自有功。

論夫婦人氣血調和則經水依期而來何崩漏之有
若勞動過極臟腑俱傷衝任之脉氣虛不能約制
其經血故忽然暴下若山崩然故曰崩中丹溪云
血崩症有因勞損而致者有挾熱者有挾寒者有
因氣血不足者之不同當辨明而治之。

三三

脉經曰。婦人漏血下赤白。日下血數升。脉急數者死。遲者生。婦人漏下赤白不休。脉小虛滑者生。大緊實數者死。

勞損

因勞損衝任脉虛血非時下。臍腹冷痛。崩中脉遲。伏龍肝散。先因勞役。脾胃虛損。氣短氣逆。自汗身熱。懶食。大便或泄或秘。體倦無力。崩中不止。當歸芍藥湯。勞損氣血。參耆當歸帶升提之藥治之。

伏龍肝散 治勞傷氣血。衝任脉虛。以致崩中不止。

伏龍肝一兩 赤石脂一兩 麥門冬一兩 甘艸炙半兩

川芎三兩 當歸七錢 乾薑七錢 桂半兩

艾葉三兩 熟地黃四兩

右每服四錢。水煎服。

當歸芍藥湯 治崩漏不止。氣短氣逆。自汗乏力。

黃耆一錢 蜜炙 白朮一錢 炒 甘艸炙一錢 蒼朮一錢 米泔浸曬乾炒

白芍藥一錢 熟地黃五分 陳皮五分 當歸身三分 酒洗

生地黃三分 柴胡二分

右用水煎服。

●虛而挾熱

氣血兩虛。四物湯加參耆。崩不止。小蘗湯。荆芥散。如聖散之類。選而用之。血虛甚者。四物湯加焦薑。崩不止。香白芷。百艸霜。櫻櫚灰之屬。腎虛不能鎮相火而崩。涼血地黃湯。陽盛陰虛。血熱沸溢。黃芩湯。經漏下。血脈虛洪。其血紫黑。此熱極反兼水化制之。故紫色成塊。熱之極也。生地黃散。或四物湯加黃芩。黃連。黃蘗。知母。

四物湯

方見前經候條下

小蘗湯

治氣血兩虛。內熱太甚。崩中不止。

小蘗莖葉汁

一盞

生地黃汁

一盞

白朮

半兩

入水一盞。煎至半盞。溫服。

荆芥散

治女人崩中不止。

荆芥

一味。不拘多寡。干麻油燈上燒灰。存性。

末之。每三錢。童便下。

如聖散

治血山崩。

櫻櫚

一兩。毀存性。

烏梅

一兩。煨。

乾薑

一兩。五錢。煨。

右為末。每服二錢。烏梅酒調下。空心時服。

生地黃散

治女人經漏下。血脈洪。血色紫黑成塊。

生地黄一錢 熟地黄一錢 枸杞子一錢 天門冬一錢

柴胡八分 黃連一錢 白芍藥八分 地骨皮一錢

甘草七分 黃芩一錢 黃耆一錢 下血加地榆一錢

右剉作一劑。水二大鍾。煎至一鍾。空心溫服。

涼血地黃湯 治因陰虛不能鎮守相火以致崩漏。

黃芩三分 荆芥三分 蔓荊子三分 黃蘗二分

知母二分 藁本二分 細辛二分 川芎二分

黃連一錢 羌活五分 柴胡三分 升麻三分

防風二分 生地黄一錢 當歸五分 甘草五分

紅花二分 剉一劑。水二盞。煎八分。空心溫服。

黃芩湯 治內熱涼血分。

黃芩炒二錢 芍藥炒錢半 甘艸一錢 剉一劑。水煎服。

● 挾寒濕

崩挾寒濕。升麻除濕湯。崩中。臍腹冷痛。脉遲弱。身

寒。伏龍肝散。

升麻除濕湯 治漏下惡血。由飲食失節。水溼所致。

羌活一錢 柴胡一錢 蒼朮一錢 黃芪一錢

防風一錢 甘草一錢 升麻一錢 藁本一錢

蔓荆子

七分

獨活

五分

當歸

五分

剉一劑

水煎服

伏龍肝散

方見前

○胎前四

歌

胎前眾疾要須知子ヲ惡阻ナリ當從痰火推テ胎上テ奏心ヲ胸

脹悶ナリ子懸ナリ芩朮炒山梔ヲ妊娠漏下ヲ名胎漏ヲ血執ナリ而

成ル或氣虛胎動ナリ芩歸及膠艾安胎ヲ順氣勿教遲ナリ子

淋須シ覓ル安榮散胎水ヲ還シ宜用鯉魚腫滿ナリ遍身如水

氣但煎防已ヲ自寬舒足跌ナリ浮腫身無恙ナリ皺脚安胎ヲ

大腹皮五月以來煩躁ナリ甚子煩知母ヲ麥冬ヲ醫妊ヲ娘

腹痛分虛實寒熱溫清可辨ナリ之子癩急用羚羊角ヲ

兒暈芩歸荆芥奇泄瀉砂蒼入ル口白熱須シ芩朮倍ナリ

乏宜風寒感冒參蘇飲不解黃龍湯勿疑胸滿本
 方加枳桔熱而無汗葛根驅裏熱甚時單胎散熱
 極謔言解毒施脉遲四逆理中治熱泄柴苓半夏
 除汗吐下溫須仔細安胎為主勿差池清脾療瘧
 須除半四獸祛邪更補脾痢疾香蓮湯有驗胃風
 止痢補其虛傷風咳嗽參蘇飲去半加杏仁白皮
 便秘不通大腹散小溲不利用冬葵怔忡恍惚心
 驚悸氣悶喧呼大聖祛心痛火龍湯可定腰疼通
 氣更誰如達生散可將胎束欲服須當九月時

論夫婦人妊娠貴乎衝任之脉旺盛元氣充足則飲食

食如常身體壯健色澤不衰而無病患相侵故月
 水以時下始能受孕血氣充實則可保十月滿足
 分娩無虞母子堅牢何疾之有若血氣不充衝任
 之脉虛弱則經水愆期豈能受孕縱然得孕則胞
 門子戶虛寒而受胎不實或衝任之脉虛而協熱
 輕則胎動而不安重則三五月而即墮遇陽月
 分而墮者火能消物也更兼以外挾六淫之邪內
 因七情之氣或飲食太過致傷中州或淫慾無度

幸遇明醫
則能審察
其自調和
府驅逐其
邪氣安養
胎氣庶可保
全否則不惟
不能保胎且
而其危有不
可勝言也
女子有
字有

內損元氣如斯之類鮮有不致疾者也故凡胎娠
眾疾必先以安胎為主驅疾次之蓋病去則胎自
安胎固則病自愈矣理之自然也
此字有也

脉陰搏于下陽別于上血氣和調有子之象手之少
陰其脉動甚尺按不絕此為有孕少陰屬心心主
血脉腎為胞門脉應于尺或寸脉微關滑尺數往
來流利如雀之啄或診三部浮沉一止或平而虛
當問月水婦人有病而無邪脉此孕非病所以不
月男女之別以左右取左疾為男右疾為女沉

實在左浮大在右右女左男可以預剖離經六至
沉細而滑陣痛連腰胎即時脫血痕弦急而大者
生虛小弱者即是死形半產漏下革脉主之弱即
血耗立見傾危○懷妊六七月脉實大牢強弦急
者生若沉而細者死

惡阻

妊娠二三月以來吐逆不食心虛煩悶者名曰惡
阻人參橘皮湯主之丹溪云肥人惡阻因痰二陳
湯加黃芩白朮竹茹貝母去半夏瘦人是火前方

再加黃連山梔仁。

人參橘皮湯 治妊娠三月惡阻吐逆不食煩悶。

赤茯苓半錢 橘皮錢半 白朮炒一錢 麥門冬湯泡去心一錢

厚朴薑炒一錢 人參一錢 甘草炙八分 竹茹一錢二分

右剉一劑水二盞生薑五片煎至八分空心溫服。

二陳湯 方見前經候條下

子腫

妊娠五六月以來浮腫如水氣者名日子腫俗呼為琉璃胎是也防已湯主之妊娠面目俱浮身腫

如水氣急而虛者白朮散

防已湯 治妊娠通身腫滿如水氣喘促小便不利

防已一錢五分 桑白皮一錢五分 赤茯苓去皮一錢五分

紫蘇一錢五分 木香九分 薑二片水一盞煎服

白朮散 治妊娠面目俱浮身腫如水氣急而虛者

白朮一兩 生薑皮五錢 大腹皮五錢 陳皮五錢

右為細末每服二錢米飲調下。

子煩

妊娠五六月乃少陰君火以養精六七月乃少陽

相火以養氣平素有火人內外之火相感而作煩燥悶亂不安者名曰子煩。麥門冬湯或安神丸。

麥門冬湯 治妊娠五六月煩悶不安名曰子煩。

麥門冬 湯泡去心一錢 防風 一錢 茯苓 一錢

黃芩 一錢 炒 竹葉 一錢 剉一劑水二盞煎服。

安神丸 安胎孕除煩熱。

黃連 一兩五錢 去鬚酒炒 硃砂 水飛一兩 生地黄 酒洗五錢

當歸身 酒洗五錢 甘艸 炙五錢

右為末蒸餅糊如黍米大硃砂為衣每服五十九。

●漏胎

妊娠經血不時而來者名曰漏胎。氣虛者四君子

湯加黃芩阿膠血虛者四物湯加白朮黃芩黃連

益母草主之。右云此言有血虛四物湯加白朮阿膠艾葉血熱者經水必多內熱脈數二十二字一筆書除之不是

四君子湯 大補氣虛胎漏

白朮 炒一錢 人參 二錢 白茯苓 一錢 甘艸 一錢 炙

右剉一劑水二盞煎八分溫服。加減見脾胃症內。

四物湯 方見前經候條下

●皺脚

婦人妊娠七八月以來胎氣漸粗兩足浮腫頭目不浮者名曰皺脚平胃散懷孕五六月兩足腫上腿膝或足指間出黃水名曰水氣天仙藤散平胃散除溼行氣消腫安胎

蒼朮 一斤 陳皮 十二兩 厚朴 十二兩 甘草 六兩

末之每服二錢入鹽一捻白湯調下或用水煎服

天仙藤散 治妊娠三月以後兩足浮腫步履艱難

天仙藤 洗畧炒 香附 醋炒 陳皮 六兩

烏藥 五兩 甘草 四兩

末之每服三錢薑三片木瓜三箇紫蘇三葉煎服

●子懸

妊娠至四五箇月以來君相二火養胎平素有熱故胎熱氣逆胎上湊心不安胸膈脹滿名日子懸嚴氏紫蘇飲加炒山梔黃芩香附之類

嚴氏紫蘇飲 治胎氣不和上湊心腹脹滿疼痛

大腹皮 一兩 川芎 一兩 白芍藥 一兩 陳皮 一兩

紫蘇 一兩 當歸 一兩 人參 半兩 甘草 半兩

每服四錢生薑三片葱白一莖水二盞煎八分服

子淋

婦人因酒色過度內傷胞門或飲食積熱水道秘
澀小便淋瀝澀痛者名曰子淋安榮散虛者六味
丸或參朮飲內熱而淋者五淋散

安榮散 治妊娠小便澀少名曰子淋

麥門冬 三錢 通艸 三錢 滑石 三錢 當歸 五錢

燈心 五錢 甘艸 五錢 人參 二錢 細辛 二錢

右為細末每服二錢白湯調下

六味丸 治妊娠因虛以致水道不通淋瀝澀痛

山藥 二兩 熟地黃 三兩 山茱萸 去核二兩

白茯苓 二兩 丹皮 一兩 肉桂 五錢 附子 炮去皮臍五錢

未之煉蜜丸如桐子大每服六十九空心鹽湯下

參朮飲 治妊娠轉胞

四物湯 六錢加 人參 一錢 白朮 一錢

半夏 製八分 陳皮 八分 甘草 七分 薑水煎服

五淋散 治妊娠小便不通淋瀝澀痛

赤茯苓 兩 赤芍藥 兩 山梔仁 兩 生甘艸 兩

當歸 五錢 加黃芩 五錢 每服五錢空心水煎服

●子瘧

妊娠發瘧名日子瘧。熱多寒少者清脾飲去半夏。寒多熱少者人參養胃湯去半夏。虛者四獸飲或勝金丹截之。

清脾飲 治妊娠瘧疾。去半夏。

柴胡 一錢二分 半夏 一錢去之 黃芩 一錢 白朮 一錢炒

陳皮 一錢 茯苓 八分 厚朴 八分 青皮 七分

艸果 六分 甘艸 四分 薑三片 棗二枚 水煎熱服。

人參養胃湯 治妊娠瘧寒多熱少。

人參 一錢去芦 藿香葉 一錢 厚朴 一錢薑炒 蒼朮 一錢米泔浸曬乾炒

茯苓 一錢二分 陳皮 一錢五分 艸果 六分 半夏 八分去之

甘艸 五分 加烏梅一箇 生薑三片 水二盞煎服。

四獸飲 治孕婦虛瘧久不得愈。必用此藥主之。

人參 一錢去芦 白朮 一錢炒 陳皮 一錢二分 白茯苓 一錢二分去皮

甘艸 五分 艸果 八分去殼 半夏 六分去之 棗子 三枚

烏梅 三箇 生薑 三片 水二大盞煎八分。溫服。

勝金丹 治婦人懷孕瘧疾久不已。以此截之。

川常山 酒蒸 四兩 雞心檳榔 一兩

右為細末。醋糊丸如菀豆大。未發前三更時。先吞三十九。至五更時再吞十五丸。俱用好酒冷送下。

●胎動

婦人胎動不安。已有所見者。芎歸湯加阿膠。蘄艾。無所見者。安胎飲。元氣虛者。加人參白朮。如若氣不順者。本方加砂仁大腹皮。蘄艾香附枳殼。

芎歸湯 一名芎藭湯 一名佛手散

川芎 二錢 當歸 一錢 水二盞煎八分空心服。

安胎飲 治婦人胎不安氣不利。

紫蘇 一錢 當歸身 一錢 白朮 炒一錢 條黃芩 畧炒一錢

川芎 八分 陳皮 五分 香附 六分 白芍藥 七分 微炒

甘艸 五分 大腹皮 六分 砂仁 炒六分 水煎溫服。

●胎水

婦人胎孕至五六箇月。腹大異常。不分男女。胸腹脹滿。氣逆不安者。此胞中畜水也。名曰胎水。若不蚤治之。決然生子手足軟短。形體殘疾。或生下即死。此症人多不識。鯉魚湯治之。以泄其水。

鯉魚湯 治妊娠腹大異常若不早治必致母子難保

當歸

酒浸
三錢

白芍藥

三錢

白茯苓

四錢

白朮

五錢

右剉二劑。用鯉魚一箇。不拘大小。破去鱗腸。白水煮熟。去魚。每貼用魚汁盞半。生薑七片。陳皮少許。同煎至一盞。空心煎服。如水未盡。再令服之。

●子瘖

婦人妊娠。三五箇月以來。忽然失音。不能言語者。名曰子瘖。岐伯曰。無治也。當十月復。迺胎氣使然。非藥可療。直待分娩後。即能自言也。

●兒暈

婦人妊娠七八月以來。忽然卒倒。僵仆不知人。頃刻即甦者。名曰兒暈。葛根湯。若氣血兩虛。因而卒倒者。八珍湯加黃耆。

葛根湯 治婦人妊娠二三月以來。忽然卒倒。僵仆。

葛根 三錢

麻黃

連節
三錢

桂枝

二錢

芍藥

二錢
酒炒

甘艸 炙
二錢

薑三片。棗二枚。水煎服。覆取微汗。

八珍湯

見前經候條下

●泄瀉

妊娠泄瀉不渴。小便清白者。三白散加砂仁厚朴。

蒼朮甘艸若泄瀉腸垢小便赤澀煩渴內熱者黃芩湯加白朮木通茯苓腹痛加芍藥砂仁黃連俱炒

三白散 治孕婦泄瀉益氣健脾和中養胃。

白朮

炒三錢

白芍藥

酒炒三錢

白茯苓

去皮三錢三分

右剉作一劑水二鍾煎至一鍾空心溫服。

黃芩湯

見崩漏條下

痢疾

妊娠痢疾初起腹中痛後重裏急者香連化滯湯熱甚下迫窘痛裏急黃芩芍藥湯日久不止元氣

漸虛者胃風湯香連丸。

香連化滯湯

治娠婦積滯不行裏急後重頻欲上

青皮

炒一錢

陳皮

一錢二分

厚朴

薑炒一錢

枳實

炒一錢

黃芩

略炒一錢

黃連

炒一錢

當歸

酒洗一錢

白芍藥

炒一錢

滑石

一錢二分

檳榔

八分

木香

五分

甘艸

四分

右剉作一劑用水二大盞煎至八分空心時溫服。

黃芩芍藥湯

治妊娠痢疾腹痛口渴後重裏急之症

白芍藥

一錢

當歸

一錢二分

黃芩

一錢二分

黃連

去鬚酒炒一錢二分

肉桂

四分

檳榔

八分

木香

六分

甘艸

四分

大黃

生用量人虛實臨時斟酌

用水二盞煎至一盞溫服

胃風湯

治孕婦久痢元氣虛耗日夜頻併無度之症

人參

錢二分

白朮

土炒錢半

當歸

酒洗錢一

白茯苓

去皮錢一

川芎

錢二分

肉桂

四分

白芍藥

酒炒錢二分

水煎溫服

香連丸

治妊娠痢疾久而不已此方主之甚驗

黃連

一斤四兩剉碎用吳茱萸十兩同拌以沸湯少許傾入碗內泡一時取出同炒去茱

萸用黃連

木香

四兩半不見火

右俱為末用雞子清少許入醋糊丸每用三錢

●二便不通

妊娠大小便不通者乃臟腑積熱所致也西物湯

以石印公有大腹皮散五字

加枳實厚朴黃芩若小水不通者胞中有熱故也

冬葵子湯

四物湯

方見經候條下

冬葵子湯治妊娠小便不利身重惡寒起則頭眩

冬葵子

兩半

茯苓

兩二

末之每服三錢米湯調下

●腰痛

妊娠腰痛最為緊要蓋女人胞胎繫于腰故腰痛

酸急者胞欲脫腎必欲產也若挫閃氣不行腰痛

者通氣散。腎虛腰痛者。青娥不老丸。大抵要固胎為主。

通氣散 治孕婦因挫閃。或氣滯腰內疼痛。

補骨脂 不拘多少 瓦上炒

右末之。先嚼胡桃肉一箇。空心溫酒調下二錢。

青娥不老丸 治妊娠因腎虛腰痛。或風寒乘之。

杜仲 一斤 薑炒 破故紙 半斤 炒 胡桃肉 二十箇

右末之。蒜四兩搗爛丸如桐子大。每三十九酒下。

●腹痛

三字無不

妊娠腹痛。須辨其寒熱虛實。寒者脉遲。理中湯加

砂仁香附。熱者脉數。黃芩芍藥湯。加白朮桂枝。虛

者。乃血滯不能養胎。脉無力。四君子湯。加炒芍藥

當歸。實者脉有力。香殼湯。大便不通。加厚朴芍藥

黃芩。

理中湯 治孕婦觸冒寒氣。腹中疴痛。必用此湯。之主

人參 一錢二分 白朮 炒一錢半 乾薑 炒一錢半 甘艸 炙一錢

右剉一劑。生薑三片。水二大盞。煎至八分。空心服。

香殼湯 治妊娠氣不清爽。心腹脹滿。或痛。為實也。

香附

五錢 炒

枳殼

四錢 炒

末之每服二錢白湯送下。

黃芩芍藥湯

方見前痢疾條內

四君子湯

方見前胎漏條內

心痛

已下字無不即連補心 妊娠心痛非心痛也乃胎氣上升所致名曰子懸

用順氣養血安胎飲今文同不云又有客熱客寒若客熱犯胃

而痛者二陳湯加炒山梔香附白朮黃芩蒼朮去

半夏客寒犯胃而痛者火龍湯草豆蔻丸

二陳湯

方見前惡阻條內

火龍湯

治婦人妊娠心痛因客寒邪氣犯胃而作

艾葉

五錢 鹽炒熟

茴香

五錢 炒

川練肉

五錢 炒

右剉作二劑水二大盞煎至八分空心時熱服。

草豆蔻丸

治孕婦寒邪犯胃心腹疼痛必用此丸

艸豆蔻

一錢四分 麩裹煨熟去心

益智

八分 炒

白僵蠶

八分

陳皮

廣者八分

人參

去芦八分

黃芪

蜜炙八分

吳茱萸

洗去芦八分

甘艸

生炙各三分

當歸身

六分

青皮

六分 去穢炒

神麴

炒四分

薑黃

四分

柴胡

四分

半夏

五分 薑製宜去之

澤瀉

六分 去毛

麥芽

炒六分

桃仁

七箇 去皮尖

右為末。蒸餅丸如梧子大。每服三十丸。白湯送下。

怔忡

妊娠怔忡。脉亂驚悸不安。夜臥不寧。恍惚氣急促者。大聖散。血少神虛。心不寧者。益榮湯。火盛者。安神丸。虛而心不寧。怔忡者。定志丸。

大聖散 治孕婦因驚而發。使心神不定。惚恍怔忡。

川芎 一兩 黃芪 一兩蜜炙 當歸 一兩酒浸 木香 一兩

人參 一兩去芦 甘艸 一兩炙 白茯苓 一兩 麥門冬 一兩

右剉。每用七錢。生薑二片。水二盞。煎八分。空心服。

益榮湯 治娠婦心神不寧。怔忡驚悸。恍惚悲憂。

當歸 一錢二分 黃耆 一錢蜜炙 遠志 一錢去心 酸棗仁 一錢炒熟

茯神 一錢去木 紫石英 八分 木香 八分 栝子仁 一錢炒熟

人參 一錢去芦 白芍藥 八分 甘艸 三分炙

右剉一劑。水二大盞。生薑三片。煎八分。空心温服。

安神丸 抑火寧心。安神定志。妊娠患此。必用此丸。

黃連 兩半酒炒 硃砂 一兩水飛 生地黃 一兩 當歸身 一兩俱用酒洗

甘艸 五錢 末之蒸餅丸如黍米大。硃砂為衣。

定志丸 治婦人妊娠。心虛不足。恍惚多忘之症。

遠志

一兩 去心

人參

一兩 去芦

蒲黃

二兩

白茯苓

三兩 去皮

右末之。蜜丸。梧子大。辰砂為衣。每三十九丸。米湯下。

咳嗽

妊娠咳嗽。因外感風寒者。參蘇飲去半夏。加桑皮。

杏仁。火乘肺金而咳嗽者。二陳湯去半夏。加黃芩。

黃連。枳殼。桔梗。貝母。有痰。加瓜蒌仁。前胡。桑白皮。

參蘇飲

治妊娠外感風邪。咳嗽痰涎。鼻塞聲重。

紫蘇葉

一錢

陳皮

去白 一錢

前胡

七分

白茯苓

去皮 七分

枳殼

微炒 七分

桔梗

七分

半夏

七分 去之

乾葛

七分

人參

六分 去芦

甘州

四分

木香

三分

薑三片

水煎服

二陳湯

方見經候條下

中風

妊娠中風。頭項強直。筋攣。語澀。痰涎壅盛。人事不

省者。名曰子癇。羚羊角散。中風筋攣強直。不省人

事。昏悶口牽者。舉輕古拜散主之。

羚羊角散

治妊娠中風。頭項強直。語言蹇澀。

羚羊角

鎊碎 五分

川獨活

五分

酸棗仁

炒熟 五分

五加皮

五分

薏苡仁

五分

防風

去芦 五分

當歸

酒洗 五分

川芎 五分 扶神 五分 杏仁 五分 木香 二分

甘艸 二分 剉一劑。水二盞。煎八分。不拘時服。

舉輕古拜散 治婦人胎前產後中風。俱用此湯。

荆芥穗 焙 末之。每用二錢。豆淋湯調服。

●傷風

妊娠傷風。頭痛鼻塞。聲重咳嗽。甚至發熱者。參蘇飲去半夏取微汗。如肺火旺盛。風熱不清。壅熱于肺。亦有頭痛身熱。鼻塞。聲重。咳嗽音啞。流涕之候。雙解散去大黃朴硝石膏。

雙解散 治娠婦一切風熱之症。又名防風通聖散。

防風 一錢 當歸 一錢 川芎 八分 白芍藥 炒八分

薄荷 八分 山梔 炒黑八分 黃芩 炒八分 大黃 量虛實用 娠婦去之

石膏 一錢 桔梗 八分 白朮 一錢 連翹仁 七分

荆芥 七分 滑石 七分 麻黃 六分 芒硝 五分 去之

右剉一劑。水二盞。葱白一莖。煎至八分。空心溫服。

參蘇飲 方見前咳嗽條內

●傷暑

妊娠正當炎暑。忽冒暑氣。煩渴悶亂不安。香薷飲

加黃連白朮人參。或十味香薷飲。渴甚熱極者。加麥門冬。五味子。石膏。黃芩。知母。天花粉。

香薷飲 治孕婦傷暑渴悶不安身熱煩燥之症。

香薷 二錢 白扁豆 一錢 厚朴 炒一錢 甘艸 五分

右剉一劑。水二盞。煎至八分。冷服。或加黃連一錢。

十味香薷飲 治妊娠中暑。益氣和中。安胎保孕。

香薷 二錢 扁豆 八分 白朮 八分 茯苓 八分

陳皮 八分 厚朴 一錢 甘艸 五分 木瓜 五分

人參 六分 黃芪 七分 水二鍾煎八分。冷服。

傷食

妊娠傷飲食。胸滿脇痛。脉右手寸口緊盛。枳朮湯。

加山查。麥蘖。神麴。黃連。厚朴。如傷冷物而胸膈劣。

悶欲吐。脉遲。本方加砂仁。木香。丁香。嘔吐加生薑。

枳朮湯 治孕婦飲食過度。致傷胃氣。胸膈膨脹。

枳殼 炒八分 白朮 炒三分 紫蘇葉 六分 五靈脂 炒一分

木香 六分 陳皮 八分 檳榔 八分 桔梗 七分

肉桂 五分 半夏 薑製七分 白茯苓 六分 甘艸 五分

右剉一劑。水二鍾。薑三片。煎八分。空心服。於後文異。

枳朮湯功能異於本方分量。邵達改之。

●安胎

婦人內原有熱繼而受孕以致內火旺甚胎氣不

安丹溪安胎丸氣血虛而不能營養胎氣不安者

紫蘇飲加砂仁枳殼木香行其氣

以同本書八珍湯氣滯不須胎不安者此十二字是胎於此書不正當

安胎丸 妊娠四五月常墮不安內熱甚故也

白朮 二兩 炒 沉水黃芩 二兩 末之粥丸下五十九

紫蘇飲 方見前子懸條內

●束胎

妊娠七八月以來胎肥大者宜束其胎達生散若

奉養太過安逸之人膏粱身肥胎又不運必然難

產須服瘦胎散氣不運動枳殼散

達生散 又名束胎散至八箇月服十數貼甚效

大腹皮 三錢 白朮 一錢 炒 白芍藥 一錢 紫蘇莖葉 八分

人參 去芦 半錢 陳皮 半錢 甘艸 半錢 炙 當歸身 酒洗 一錢二分

右剉一劑加葱五葉黃楊腦七箇水二鍾煎服春

加川芎夏加黃芩秋冬加砂仁枳殼

瘦胎散 奉養太過以致胎肥預服此藥可使易產

血餘 卽髮 炒 錢半 用猪心血和 當歸 酒洗 一錢 川芎 一錢

白芍藥

一錢

木香

一錢

甘艸

一錢

枳殼

炒一錢

乳香

另研五分

水二鍾煎八分。食前溫服。

枳殼散

瘦胎抑氣易產。凡孕肥胖者。宜預服之。

枳殼

四兩

甘艸

二兩

末之。湯調食前服。

●胎寒

婦人懷孕。不守禁忌。縱恣口腹。過食生冷。瓜桃梨果。及當風取涼。以致胎冷不安。胸腹脹滿。或痛腸中。虛鳴。胎孕冷伏。四肢拘急。便泄欲死。安胎和氣飲主之。

安胎和氣散

治娠婦過食生冷。當風取涼。胎寒之症。

訶子

麩裹

白朮

炒各三錢

陳皮

一錢五分

良薑

炒一錢五分

木香

一錢五分

白芍藥

一錢

陳粟

炒一錢半

甘艸

炙一錢五分

剉一劑。水二大盞。煎至八分。加薑汁三匙。熱服。

●胎熱

妊娠將及臨月。兩眼失明。不見燈火。頭痛暈。腮頰腫。不能轉項。此肝經熱毒上攻。蓋是薑椒熱酒葷腥炙煖熱積於中也。消風散。天門冬飲。四物湯。加荆芥防風黃芩黃連。

消風散 治婦人妊娠多食辛辣厚味之物。此湯之

荆芥穗一兩 甘草炙一兩 川芎一兩 羌活一兩

人參一兩 茯苓一兩 殭蠶炒一兩 防風去芦一兩

藿香葉一兩 蟬蛻炒一兩 陳皮一兩 厚朴薑汁拌勻炒一兩

右為末。每服二錢。荆芥湯。或茶湯調下。

天門冬飲 治妊娠蘊熱。忽然兩目失明。內熱煩燥。

天門冬一錢二分 知母一錢二分 益母艸子一錢二分

五味子一錢 白茯苓一錢 羌活一錢 人參去芦一錢

防風一錢 水二盞。煎一盞。溫服。

四物湯 方見前經候條下

傷胎

婦人因頓仆。腰腹疼。或胎上搶心。去血腹痛。阿膠

蘄艾丸丸方係湯 妊娠從高墜下。或為重物所壓。觸動胎氣。

腹痛下血。胃虛嘔逆。縮砂仁二錢炒為末。酒調下。

或佛手散

佛手散 卽芎歸湯見前胎動條下

阿膠蘄艾丸 丸字可作湯服法。湯法則文字誤也

四物湯加阿膠炒一錢。艾葉炒一錢。甘艸炙一

此方品味同本
書既湯字作
丸疑。誤文字
方後文湯法
而非丸法

方後文邵達
及之故異於
本書

明醫指掌

卷九

錢作一劑水二盞酒半盞煎一盞空心熱服。

●死胎

婦人舌青黑及胎上冷者子已死或指甲青脹悶甚者口中作屎臭先以平胃散投朴硝半兩酒與水各半鍾煎服胎化血水下鹿角散下死胎。

平胃散

方見前皺脚條內

鹿角散

治孕婦因傷寒熱病以致胎死腹中。

鹿角屑一兩入葱豉煎服。

●傷寒

和去作苦蘇飲

妊娠外感寒邪頭痛身熱無汗輕則參蘇飲去半夏重則十神湯汗之汗後熱不解者黃龍湯若胸滿嘔逆口苦或寒熱往來本方加枳殼桔梗發熱無汗不得汗本方加乾葛煩渴再加天花粉胸滿加枳實黃連如自汗身熱煩渴唇焦舌燥謔語人參白虎湯大熱煩渴錯語呻吟乾嘔黃連解毒湯熱甚不退胎動不安者鼻胎散如五六日不解大便不通不惡寒反惡熱或日晡潮熱微惡寒者大柴胡湯去半夏服後不通煩熱盛甚小承氣湯如

明醫指掌

卷九

三

六七日汗下後不解。病傳陰分手足冷。脉細小者。理中湯加人參。

參蘇飲

方見前咳嗽條內

十神湯 發散瘟疫。及時感風寒。

川芎

一錢

甘草

七分

麻黃

去節 一錢

紫蘇

一錢

升麻

八分

赤芍藥

八分

白芷

一錢

陳皮

八分

香附

一錢

右剉一劑。生薑三片。葱白三箇。水煎熟服。取微汗。

黃龍湯

治好娠及新產後傷寒。和解退熱之藥。

柴胡

二錢

黃芩

一錢五分

人參

一錢

甘艸

五分

右剉作一劑。生薑三片。水二盞。煎一盞。空心熱服。

人參白虎湯

治娠婦傷寒。身熱自汗。煩渴唇焦。

石膏

五錢

知母

二錢

人參

一錢

甘草

一錢

右剉一劑。加粳米一撮。水二盞。煎八分。不拘時服。

黃連解毒湯

治傷寒大熱。煩渴錯語。呻吟乾嘔。

黃連

炒二錢

黃芩

炒一錢半

黃蘗

炒一錢半

山梔子

炒一錢半

右剉一劑。水二盞。煎八分。溫服。

大柴胡湯

治孕婦傷寒。陽明六七日大便難。帶表。

柴胡 二錢

黃芩 一錢

半夏 一錢

白芍藥

炒 八分

大黃 錢半

枳實

炒 一錢

右剉一劑。薑三片。棗二枚。水二盞。煎八分。溫服。

小承氣湯

六七日不大便。腹脹滿潮熱不惡寒。

大黃 三錢

厚朴

炒 二錢

枳實

炒 二錢

右剉一劑。水二盞。煎一盞。熱服。

○臨產五

衆病 小者此ニ子マリ

歌臨產之時勿易看。驀然氣湊目珠翻。唇青口際流
涎沫。母子雙雙入死關。舌色鮮紅唇面黑。子存母
死片時間。面紅舌黑兒難保。佛手仍須奪命丹。橫
逆催生龍蛻散。滑胎可救漏胞乾。死胎欲下尋歸
散。更搗草麻脚底攤。血入胞中時脹悶。上衝心胃
死何難。朴硝散共紅花酒。奪命神丹逐下安。產下
血迷成血暈。清魂急灌命須還。血山一倒心無主。
目暗頭眩汗雨漫。氣隨血脫多難救。薑桂參耆大

劑堪血搶心悶成狂妄喘絕蒲黃不等聞見枕痛
 時緣惡露當歸失笑效非凡忽然口噤言顛倒見
 鬼原非風與寒敗血上衝心血耗妙香散共黑龍
 丹

論夫婦人臨產死生反掌若善于救治者實可以起
 死回生稍不急救多致天枉救之不得其法藥之
 不能應手亦莫能全其生也將產努力過多兒轉
 未逮以致胎落於勝不能育者有因子橫子逆而
 難產者有體肥脂厚平素安逸而難產者有子壯
 大而難產者有矮石婦人交骨不開而難產者有
 胞破而去水一二日胞內乾澀而難產者有胎死
 腹中不下者其腹冷舌黑可驗有胞中積水其腹
 大異常脉息細弱名曰胞水醫者不識疑為雙娠
 臨產必去水斗餘方產其兒手足軟短多不育縱
 不死亦為殘疾蓋水漬其胎故也醫者識此蚤用
 藥行去其水則無恙矣有產下去血太多產下即
 死者有血奔上而昏暈者有子下而胞不下敗血
 灌滿胞中胞不得下者須行去胞血則下有因取

大而難產者有矮石婦人交骨不開而難產者有
 胞破而去水一二日胞內乾澀而難產者有胎死
 腹中不下者其腹冷舌黑可驗有胞中積水其腹
 大異常脉息細弱名曰胞水醫者不識疑為雙娠
 臨產必去水斗餘方產其兒手足軟短多不育縱
 不死亦為殘疾蓋水漬其胎故也醫者識此蚤用
 藥行去其水則無恙矣有產下去血太多產下即
 死者有血奔上而昏暈者有子下而胞不下敗血
 灌滿胞中胞不得下者須行去胞血則下有因取

臨產之時須預備保產定暈滑胎催生下胞衣下死胎逐血固本藥餅以防急用仍用請一醫在家看視則可保無虞也穩胎遊選高子

久積安靜之人伏更婦亦須老成練恬靜之人方養息育經累次救活數十人亦既死幸勿忽也以上九十六字有自去

明醫抄卷九

胞穩婆悞傷內臟輕則帶疾重則即死慎之慎之凡此之狀莫能悉舉大抵貧賤婦人生育極易者以其勞役胎氣流動故也富貴之家厚養安逸身體肥壯決難生育也臨產六至脉號離經或沉細滑若無即生浮大難產寒熱又頻此時凶候急於色徵面頰唇舌忌黑與青面赤母活子命必傾若胎在腹子母歸冥

難產

坐艸早努力多見轉不逮或胞破水乾難產者滑

胎散若橫逆及胞乾難產神應散三服如魚得水決自轉生或產不下及矮石婦人交骨不開芎歸湯橫逆難生欲死益母丸如手足先出以針刺兒手足入二分許得痛驚轉即縮回順生也滑胎散治坐草太蚤努力太多以致難產

滑石 六錢 冬葵子 五錢 甘艸 一錢

右末之每二錢白湯調下或酒下

神應散 治橫逆難產或胞漿先破此藥如魚得水

白芷 一兩 百艸霜 一兩 末之童便米醋調下 三錢

月信丹

助醫抄掌
益母丸 治橫逆難生欲死。

益母艸 不拘多少 陰乾末之。蜜丸彈子大。童便酒下。

芎歸湯 方見胎前條下

● 催生

臨產腰痛見紅。催生如意散。如生理不順。產育艱難。或橫或逆。催生丹溫水服下。即產兒手中握出藥丸為驗也。或催生龍蛻散。如小兒手足先出。即以鹽塗兒手足底。急搔之。并以鹽塗母腹上。服神應散。

催生如意散 臨產腰痛。方可服之。

人參 一錢 去芦 乳香 一錢 辰砂 五分

右用雞子清一箇調藥。再用生薑湯調下。

催生丹 治生理不順。或橫或逆。生產艱難者。

兔腦髓 一箇取膈月內者研如泥 乳香 五分 另研 麝香 五分 另研

母丁香 二錢五分 末之 以兔腦和丸。如芡實大。陰乾油

紙裹。每用一丸溫水下。即產兒手握出此丹。為驗。

催生龍蛻散 催生易產。如神藥也。

大蛇蛻 一條煨 存性 蟬蛻 一兩煨 存性

元甫曰胞衣不下血暈失血惡露四條可屬於產後門此書元來錯簡也考本邵達訂補不改正何年

催生神應散 方見前難產條內
滑石 五錢 葵子 一兩 末之。每一錢。順流水煎。調服。

胞衣不下

胞衣不下為血入胞中。上衝心胸。氣血脹悶不出。欲死者。必用逐其血。酒煎紅花服。或朴硝散甚則奪命丹。胞衣不下。臍腹堅脹。急痛欲死。牛膝湯服。即爛下。產後一切危急症候。及胞衣不下急症者。

黑龍丹

朴硝散 下死胎。取胞衣產後敗血。

朴硝末之。每服三錢。童便調下。

奪命丹 死胎不出及胞衣不下。欲死之候。用此丹。

蛇蛻 一條 即路上左膠草鞋
千里馬 洗淨煨存性一錢

金箔 七片 銀箔 七片 血餘 一錢 馬明退 即蚕退煨二錢

乳香 五分 另研 黑鉛 二錢五分 火鎔投水銀七錢半急搗結成砂子細研

右為末。猪心血丸。桐子大。每服二丸。倒流水灌下。

牛膝湯 治胞衣不出。臍腹堅脹。急痛。服此爛下。

牛膝 四兩 去芦 瞿麥 四兩 當歸 三兩 通艸 六兩

滑石 八兩 葵子 五兩 剉水九升。煎三升。三次服。

黑龍丹 治產後一切血疾及胎衣不下危急之症

當歸 二錢 五靈脂 二錢 川芎 二錢 熟地黃 二錢

良薑 二錢

一兩以沙合盛赤石脂以泥縫紙筋鹽泥固濟炭火十斤煨令通赤火候冷取開看成黑糟色研細却入後藥

百草霜 五兩 硫黃 一錢半 乳香 一錢半 花蕊石 一錢

琥珀 一錢

並研細與前藥再研勻以米醋糊丸如彈子大每

服一九炭火煨令通赤投于生薑自然汁與童便入酒漉出控乾研細只此酒下

血暈

產後去血多暈悶不醒者芎歸湯產後火載血上血迷血暈昏不知人清菟散如不醒以韭菜一二斤搗爛入茶壺中沸醋傾入壺內蓋壺頭以壺嘴放鼻中熏或用醋炭頻淬熏之或用乾漆燒煙令聞煙如不醒急掐人中提頂心中頭髮灌以童便薑汁自醒

明醫抄

方見胎前條下

清魂散 治血迷血暈昏不知人。

澤蘭葉

一兩

人參

一兩

荊芥穗

四兩

甘艸

炙入

川芎

二兩

末之每二錢熱湯溫酒各半盞調下。

●失血

產後去血過多。芎歸湯加人參焦薑腹痛香桂散。失血過多。虛熱太甚。目暗神昏手足冷。芎歸薑桂人參汗多加黃耆或益母丸加童便自汗氣欲脫。黃耆湯產後去血多心虛怔忡錯語茯苓益母丸。

芎歸湯

方見胎前條下

香桂散 治去血過多及下死胎。

麝香

五分

桂心

三錢

末之作一服溫酒調下。

益母丸

方見胎前難產條內

黃耆湯 治產後失血自汗不止。

黃耆

二錢

白朮

一錢

防風

一錢

熟地黃

二錢

牡蠣

煨一錢半

白茯苓

一錢

麥門冬

五分

甘艸

炙五分

右剉一劑加大棗二枚水二盞煎至八分空心服。

茯苓散 產後心虛怔忡不定言語錯亂神思不清。

明醫抄

卷九

三

人參 一錢 去芦

甘草 一錢 炙

乾山藥 一錢 當歸 一錢

生薑 五錢

遠志 一錢 去心

白茯苓 八分 桂心 五分

麥門冬 一錢

大棗 二箇 剉一劑。水二盞煎八分服。

●惡露

血捨心悶成狂喘滿欲絕者。蒲黃散。惡露不盡。心腹痛。黑神散。惡露不盡。兒枕疼。當歸失笑散。一產後忽然口噤。語言顛倒。乍見鬼神。此敗血衝心。非風寒及邪祟也。妙香散。或用黑龍丹。煨過酒調下。蒲黃散。產後惡露不快。血上捨心。煩悶喘急等症。

乾荷葉 炙二錢 五分

甘艸 二錢 五分 牡丹皮 二錢 五分

玄胡索 二錢 五分

生地黃 二錢 五分

生蒲黃 六錢

剉作二劑。水煎。入蜜少許。溫服。

黑神散 惡露不盡。胎衣不下。血上攻。心腹痛不止。

黑豆 炒半升

熟地黃 四兩 兩 當歸 四兩 肉桂 四兩

乾薑 四兩 炒焦

甘艸 炙四兩 蒲黃 生四兩 白芍藥 四兩 炒

右末之。每服二錢。童便酒各半盞。空心時調下。

當歸失笑散 治產後心腹絞痛欲死。及兒枕作疼。

蒲黃 炒黑 五錢

五靈脂 五錢

右末之。每用二錢。醋調熬成膏子。白湯化下。
妙香散

麝香

一錢 研

山藥

薑汁炒 一兩

茯苓

一兩

茯神

一兩

遠志

去心 一兩

黃芪

一兩

人參

五錢

桔梗

五錢

甘草

五錢

木香

煨二錢半

辰砂

三錢

右末之。每二錢湯下。

黑龍丹

方見前胞衣不下條內

(產後六)

歌產下。嬰兒血氣空。絲毫觸犯。便傷榮。倏然致疾。如
山重。不與尋常一樣。同去血過多。因發熱。焦薑參
朮入。芩藟。陰虛作熱。心煩悶。自汗。黃芪可奏功。惡
心嘔逆。傷脾胃。抵聖湯。醫腹脇膨。歸芪止汗。除身
熱。不愈。當歸奏效。崇風中。愈風湯。立驗。茯苓散子。
治怔忡。諸風痿痺。筋攣縮。志士明醫。用血風。乍見
鬼神。由血耗。調經散服。起疲癯。中風口噤。牙關閉。
搐搦。身張似角弓。此是血虛。筋癭。癱舉。輕古拜配。

歸芳產後經來因適斷感于異症在其中手牽足
 搐牙關緊昏冒柴胡視聽聰陰虛發熱憎寒症晝
 日清明夜覺兇加增四物神功大一服能令病脫
 射胞中悞損成淋瀝參朮煎膏瘦自通浮腫定須
 分水道憂思鬱結在寬胸痢初化滯香連芍積久
 須當用胃風初感寒邪微發表熱邪不解守黃龍
 燥煩實熱苓連理渴甚人參白虎從熱泄柴苓除
 半夏便難議以大柴攻汗多表弱宜行桂裏弱虛
 時製理中發表內攻須帶補勿行孟浪內傷榮小

便淋瀝行時痛但用茅根可治癘泄瀉君苓湯可
 用寒加肉果桂薑同若因熱泄并腸垢薑炒黃連
 佐木通

論產後氣血大損易產力壯者尚然感疾為終身之
 患產母不可恃健不行保重勞碌以損其榮多食
 以傷其胃外感六淫之邪內受七情之氣為患莫
 一測古云產後犯若絲毫感病重於山岳信夫或有
 惡露未盡而作熱作疼真元不復而為痿為勞比
 比皆然也故產後諸疾先以大補氣血縱有他疾

以未治之。或欲祛邪。必兼補劑。殊為切當。若以峻劑攻之。再損氣血。危可立待。或惡露當去者。亦須以去故生新。溫養為主。斯得其正也。

脉產後緩滑。沉細亦宜。實大弦牢。瀆疾皆危。○脉經曰。婦人新生乳子。脉沉小滑者生。實大弦急者死。婦人生產之後。寸口脉焱疾不調者死。沉細附骨不絕者生。婦人生產之後。因中風傷寒熱病。喘鳴而肩息。脉實而浮緩者生。小急者死。○丹溪曰。產前脉細小。產後脉洪數。皆死。又曰。產前當洪數。既

產而洪數如故。豈得不死。

●產後蓐勞

新產後自汗。肢體走痛。虛眩無力者。名曰蓐勞。當歸羊肉湯。產後血氣大虧。失于將理。自汗發熱。虛羸。飲食不消。時欬發渴者。人參鼈甲散。發寒熱。石

子湯。

當歸羊肉湯 治產後發熱自汗。肢體疼痛。名曰蓐勞。

當歸 七錢 酒洗 人參 七錢 去芦 黃芪 一兩 蜜炙 生薑 五錢

右用羊肉一斤。煮清汁五大盞。入藥煎四盞。作六服。

人參鼈甲散

治產後蓐勞其狀虛羸寒熱似瘧。

人參

五錢 去芦

桂心

五錢

桑寄生

五錢

當歸

酒洗 五錢

白茯苓

五錢

白芍藥

五錢

熟地黄

五錢

桃仁

去皮尖 五錢

麥門冬

五錢

甘艸

炙 五錢

續斷

二錢 五分

川牛膝

去芦 一錢 五分

鼈甲

炙 一兩

黃芪

炙 一兩

右末之。猪腎一對。去脂膜。用水二盞。生薑一片。棗

子三枚。煮一盞。入藥末二錢。葱白三寸。烏梅半箇。

荆芥五穗。再煎十數沸。用細絹濾去渣。空心溫服。

石子湯

治產後虛羸。往來寒熱。自汗乏力。喘促等症。

猪腎

一對 去脂膜 用竹刀切作四片

香薷

二兩

葱白頭

二兩

白芍藥

二分

分二貼。每用水三升。煮升半。勻三服。

產後不語

產後敗血停蓄。上干于心。心氣閉塞。故舌強不能

言語者。八珍散。產後內因痰氣鬱滯。閉目不語。用

好白明礬一錢為末。白沸湯調服。

八珍湯

方見前經候條下

產後虛渴

產後血熱。心煩口渴者。涼血飲。虛而煩渴者。生脉

散產後虛渴少氣脚弱目昏頭目眩暈飲食無味者熟地黃湯或四物湯加麥門冬天花粉

涼血飲 治產後血熱心煩口渴煩燥及經水不調

黃芩 二錢 炒 赤芍藥 二錢 川芎 二錢 甘艸 炙一錢

荆芥 二錢 取穗 瓜蒌根 二錢 生地黃 二錢 麥門冬 去心二錢

右剉二貼每貼竹葉七片燈心二十莖水煎溫服

生脉散 補氣復脉生津液止煩渴

人參 二錢 去芦 麥冬 去心一錢半 五味子 一錢 水二盞煎服

熟地黃湯 治產後虛渴口乾少氣脚弱頭目昏暈

人參 四錢 去芦 甘艸 炙一錢 瓜蒌根 六錢 麥門冬 去心三錢

熟地黃 酒浸晒乾兩半 分二貼糯米一撮薑棗煎溫服

四物湯 方見前經候條下

產後失血

產後去血過多腹痛身熱自汗者當歸黃芪湯若去血多眩暈者芎歸湯虛甚者加焦薑人參腹痛加桂產後去血多陰虛內熱心煩氣短自汗當歸

建中湯

當歸黃芪湯 治產後失血過多腰疼身熱自汗

當歸 三兩 酒洗 黃芪 二兩 蜜炙 白芍藥 一兩五錢 酒炒

右剉每用五錢。生薑三片。水二盞。煎八分。空心服。

當歸建中湯 治產後虛損氣血。內熱心煩。短促之症。

當歸 四兩 酒洗 肉桂 三兩 甘艸 炙二兩 白芍藥 炒六兩

右剉每用五錢。生薑三片。大棗二枚。水二盞。煎服。

芎歸湯 方見胎前條下

●產後下痢

產後下痢腹痛。裏急後重。至圍不能便者。香連散。

加人參當歸神麴麥芽厚朴。病久不已。四君子湯。

加當歸白芍藥麴蘖陳皮木香黃連。

香連散 治產後痢疾。裏急後重。腹中疝痛不可忍。

黃連 炒一錢半 木香 一錢二分 白朮 炒二錢 白芍藥 炒二錢

滑石 二錢 研細 甘艸 炙五分 剉一劑。水二盞。煎八分服。

四君子湯 方見胎前條下

●產後浮腫

產後敗血停蓄五臟。循經流入于四肢。化爲水。因成虛浮腫者。調經散。產後血氣大虛。肢體浮腫者。不可通利其水。宜大補氣血。四君子湯加蒼朮。

調經散 治產後敗血乘虛流入四肢以致浮腫之症

當歸 酒浸一兩 赤芍藥 一兩 桂心 一兩 沒藥 一錢 另研

琥珀 一錢 另研 麝香 五分 細辛 五分 甘艸 錢 灸二

右為細末每服五分入生薑自然汁少許酒調下

四君子湯 方見胎前條下

●產後發熱

產後血虛發熱頭痛自汗心煩短氣者人參當歸散
產後陰虛不足發熱日輕夜重憎寒者四物湯
加焦薑小熱加茯苓產後蒸乳發熱者四物湯加

黃芪人參白朮天花粉

人參當歸散 治產後血虛發熱自汗心煩短氣

熟地黃 一兩 人參 去芦一兩 當歸 酒洗一兩 麥門冬 去心一兩

肉桂 一兩 白芍藥 炒二兩 每五錢竹葉生薑煎服

四物湯 方見經候條下

●產後風痿

產後諸風痿弱筋攣無力者血風湯產後血虛氣
弱汗多風搏之而成症口噤反張脊強汗出不止
者難治大聖散加川烏黃芪

血風湯 治產後諸風痿弱筋攣無力四肢不舉。

秦艽 一錢 去芦 羌活 一錢 去芦 防風 七分 去芦 白芍藥 一錢半 酒炒

白芷 八分 川芎 一錢二分 白朮 一錢 炒 當歸身 酒洗 一錢半

熟地黃 二錢 白茯苓 一錢 半夏 製八分 黃芪 蜜炙 一錢五分

右爲一劑。水二盞煎一盞溫服。或丸或散俱可用。

大聖散 方見胎前條下

產後怔忡

產後血少怔忡恍驚悸睡不安寧者。益榮湯。或養心湯。或寧志丸。產後心虛怔忡恍惚者。茯苓散。

益榮湯 方見胎前條下

養心湯 治產後心虛血少恍惚怔忡驚悸不安。

黃芪 炙五錢 白茯苓 五錢 白茯神 五錢 遠志 湯泡去心 炒五錢

半夏麴 五錢 當歸 酒洗 五錢 川芎 五錢 酸棗仁 炒二錢五分

辣桂 二錢五分 人參 二錢五分 五味子 二錢 栝子仁 炒二錢五分

甘草 炙四錢 每服剉三錢薑三片棗二枚水煎服。

寧志丸 治產後心血虛少恍惚多驚睡卧不得。

人參 二錢五分 當歸 酒洗 三錢 琥珀 二錢五分 栝子仁 炒二錢五分

白茯苓 二錢 白茯神 二錢 乳香 二錢五分 石菖蒲 二錢五分

酸棗仁

溫酒浸半日去殼
隔紙炒二錢五分

硃砂

二錢五分
分另研

右為末。煉蜜丸如梧子大。每服三錢。棗子湯送下。

良方茯苓散 治產後心虛怔忡不定恍惚多驚。

人參

去芦
一錢

甘艸

炙一
錢

乾山藥

一錢

當歸

酒洗
一錢

生薑

三錢

遠志

二錢
去心

白茯苓

一錢

桂心

一錢

麥冬

去心
一錢

大棗

二枚

剉一劑

水二盞

煎一盞

服。

●產後中風

產後中風口噤牙關緊急手足痺癱者舉輕古拜散。散產後血大損經絡空虛勞碌太蚤風邪乘虛而入者。小續命湯。或愈風湯。中風角弓反張涎潮大

豆子湯。
入者。小續命湯。或愈風湯。中風角弓反張涎潮大

舉輕古拜散

方見胎前條下

小續命湯

治產後風邪乘虛而入。偏枯不遂。

麻黃

去節
一錢

人參

去芦
一錢

黃芩

炒一
錢

白芍藥

炒一
錢

川芎

一錢

甘艸

炙八
分

杏仁

十四
粒

防已

一錢

肉桂

七分

附子

麩裏煨
一錢

剉一貼

薑三片

水煎服。

愈風湯

即舉輕古拜散方見胎前條下

大豆子湯

治產後中風。角弓反張。涎潮口噤不開。

黑豆 半升炒令焦黑候煙起以無灰酒二升沃之入瓶內

每用此酒半升。入獨活五錢同煎十數沸温服。

●產後陰虛

產後陰虛血弱。四物湯加炒黑乾薑。產後去血過多。陰虛生內熱。煩憊。吸吸短氣。頭痛悶亂。骨節煩疼。人參當歸散。陰虛發熱者。小柴胡湯。去半夏。

四物湯

方見經候條下

如之。作紫物湯

人參當歸散 治產後去血過多。陰虛內熱煩亂。

人參 一兩 當歸 一兩 肉桂 一兩 熟地黃 一兩
去芦 酒洗

麥冬 去心 一兩 白芍藥 炒 二兩 每五錢 竹葉生薑煎服。

小柴胡湯

方見胎前條下

●產後乍見鬼神

產後乍見鬼神。由血虛之極。敗血攻冲。邪淫于心。胡言亂語。如見鬼祟。非風邪也。調經散少加龍腦。或妙香散加當歸黃連生地黃。

調經散

方見前產後浮腫條內

妙香散 治產後乍見鬼神。及惡露不盡。如神藥也。

麝香 一錢 白茯苓 一兩 白茯神 一兩 乾山藥 一兩 薑汁拌炒

黃芪

一兩

遠志

一兩

人參

五錢

桔梗

五錢

甘艸

五錢

辰砂

三錢

木香

二錢

未之。每服二錢臨臥。或食後溫酒送下。

●產後傷寒

產後血氣大虧。縱有寒邪。不可大發汗。芩歸湯加人參紫蘇乾葛微汗之。熱不止黃龍湯加芩歸。大熱加知母黃連。可攻可溫者。臨時斟酌。不可妄用峻劑。耗損真元也。

芩歸湯

方見胎前條下

黃龍湯

方見胎前條下

●產後寒熱

產後寒熱頭痛自汗。陰虛短氣者。人參當歸散。蓀勞發寒熱肢體痛自汗。當歸羊肉湯。產後陰虛憎寒壯熱煩悶。知母湯。

人參當歸散

方見前產後陰虛條內

當歸羊肉湯

方見前產後蓀勞條內

知母湯 治產後乍寒乍熱。心胸煩悶。陰虛血少。

知母

酒炒二錢

赤芍藥

一錢

黃芩

炒一錢

桂心

八分

甘艸炙六分 剉十劑。水二盞煎八分。空心時溫服。

●產後瘧疾

產後瘧疾寒熱相半。或熱多。草果飲子。或清脾飲。去青皮厚朴寒多人參養胃湯。或四獸飲勝金丹。草果飲 治產後瘧疾寒熱往來。或熱勝于寒之症。

艸果一錢 川芎一錢 紫蘇葉一錢 白芷一錢

良薑七分 甘艸炙八分 陳皮去白八分 青皮一錢

右剉一劑用水二大盞煎至八分。溫服。日進三次。

清脾飲 人參養胃湯 四獸飲 勝金丹

●產後泄瀉

產後泄瀉。君苓湯。挾寒腹痛腸鳴。小水清白不濁。口不渴。加肉豆蔻。煨桂。炒芍藥。如熱泄腸垢。口渴。痛一陣瀉一陣。加炒黃連木通。或益元散。濕勝水。

泄胃苓湯

君苓湯 治產後泄瀉 卽四君子加後藥四君方見胎前

白朮炒二錢 白茯苓二錢 猪苓一錢五分 澤瀉一錢五分 煎服。

益元散 止瀉利水生津止渴。一名六一散 一名天水散

滑石水飛六兩 甘艸一兩為末 每服二錢。新汲水調下。

胃苓湯。即平胃散合後藥。治產後泄瀉。

平胃散方見胎前條

白朮

土炒二錢

茯苓

去皮二錢

猪苓

一錢五分

澤瀉

一錢五分

煎服。

●產後心腹痛

產後敗血凝聚。氣上冲心作痛。大巖蜜湯。七情相

干。血與氣併。心痛。玄胡索湯。敗血攻刺心腹痛。朱

笑散。寒氣腹痛。理中湯。失笑散方俱見胎前條下。

大巖蜜湯。治產後敗血冲心。心腹疼痛不可忍者。

當歸

酒浸一錢

獨活

一錢

乾薑

炮一錢

熟地黄

酒蒸一錢

吳茱萸

一錢

桂心

一錢

遠志

去心一錢

白芍藥

炒一錢

甘草

炙七分

細辛

七分

剉一劑。水二盞。煎一盞服。

玄胡索湯。治產後七情傷感。血與氣併。心腹疼痛。

玄胡索

一錢

當歸

酒洗一錢

白芍

酒炒一錢

厚朴

薑炒一錢

義朮

煨一錢

川練子

一錢

三稜

煨一錢

木香

一錢

川芎

一錢二分

桔梗

一錢二分

黃芩

炒八分

甘艸

七分

檳榔

一錢

剉一劑。水二盞。煎八分。空心時熱服。

●產後咳嗽

產後惡露上攻。肺經受邪。咳嗽。二母散。血風感寒。

熱濕氣。咳嗽痰涎。坐臥不安。旋覆花散。時感傷風。

咳嗽有外邪惡風寒發熱參蘇飲

二母散 治產後惡露上攻流入肺經以致咳嗽

知母 酒炒 一兩 貝母 去心 一兩 人參 去芦 八錢 白茯苓 去皮 八錢

桃仁 去皮尖 四十九粒 杏仁 去皮尖 四十九粒

右剉每劑七錢用水二盞煎八分食後細細呷下

旋復散 治產後血風感寒暑濕氣喘滿咳嗽壅盛

旋復花 一錢 赤芍藥 八分 前胡 去芦 八分 杏仁 去皮尖 十四粒

半夏麴 七分 荆芥 去根 六分 白茯苓 八分 五味子 去梗 十粒

麻黃 不去根 節一錢 甘州 六分 薑棗水煎服

參蘇飲 方見胎前條下

●產後霍亂

產後霍亂渴而飲水者五苓散寒多不渴者人參

理中湯吐利厥冷者加附子腹痛甚手足寒者高

良薑散轉筋者木瓜散不止辣蓼煎湯洗之即止

五苓散 治產後霍亂吐瀉口渴飲水此藥甚效

茯苓 一錢 五分 澤瀉 去毛 一錢 白朮 土炒 一錢 猪苓 一錢

肉桂 七分 剉一劑水二盞煎至八分空心溫服

人參理中湯 即理中湯方見胎前條下

高良薑湯

治產後霍亂吐利。心腹疼痛。因寒所致。

良薑

一兩

當歸

酒洗 二兩

草豆蔻仁

炒 一兩

右爲末。每服一錢。米湯調下。

木瓜散

治產後霍亂吐利。轉筋擾悶。如神藥也。

木瓜

一錢五分

茴香

炒 一錢

紫蘇葉

五分

甘艸

三分

吳茱萸

泡七次 炒一錢

剉一劑。生薑五片。水二盞。煎服。

●產後鬱冒

產後鬱冒。由胃弱不食多汗故也。血虛必厥。厥必

鬱冒。白薇湯。產後有三疾。鬱冒則多汗。多汗則大

便秘結。此皆去血過多。難以藥治。蘇麻粥主之。

白薇湯

治產後血虛鬱冒。及胃弱不食。脉微多汗。

白薇

三錢

當歸

三錢

人參

一錢五分

甘艸

炙 七分

煎服。

蘇麻粥

治產後鬱冒則多汗。多汗則大便難之疾。

蘇子麻仁。不拘多少。研爛水瀝取汁。煮粥食之。

●產後腳氣

產後熱悶。氣上冲。轉爲腳氣。小續命湯。去麻黃。石

膏附子。平素感受風寒。暑濕燥火之氣。因產後血

氣不足。遂襲于足。經因乘而發者。獨活寄生湯。

小續命湯

方見前產後中風條內

獨活寄生湯

治產後風寒溼氣乘虛而入成脚氣

獨活

去芦八分

桑寄生

八分

杜仲

炒八分

川牛膝

去芦一錢

細辛

七分

秦艽

去芦八分

白茯苓

八分

白芍藥

酒炒一錢

桂心

六分

川芎

八分

防風

去芦七分

甘艸

炙七分

人參

去芦八分

熟地黄

一錢

當歸

酒洗一錢

水煎

空心熱服

產後遍身疼

因產後走動氣血升降失常。留滯于關節間。筋脉引急。或手足拘攣。不能屈伸。故遍身肢節走痛者。

趁痛散。餘血不盡。流于遍身肢節。腰脚關節處作

疼。如神湯。

趁痛散

治產後走動氣血升降失常。留滯疼痛。

當歸

酒浸一錢

桂心

八分

白朮

炒一錢

川牛膝

酒浸去芦一錢

黃芪

蜜炙一錢

獨活

去芦八分

生薑

一錢

薤白

一錢

桑上寄生

一錢

剉一劑。水二盞。煎一盞。食前熱服。

如神湯

治產後餘血不盡。流入腰脚腿膝疼痛。

厚朴

薑炒一錢

半夏

湯泡六分

枳殼

炒七分

白芍藥

酒炒八分

木香

六分

桂心

六分

陳皮

六分

白薑

六分

桔梗

入分 去芦

香附

醋炒 七分

茴香

炒六分

蒼朮

米泔浸晒 乾炒一錢

甘艸

炙五分

人參

去芦 六分

白茯苓

六分

川芎

七分

當歸

酒洗 一錢

白芷

八分

木瓜

六分

桃仁

去皮尖 炒六分

右剉一劑。加生薑三片。水二盞。煎八分。食前熱服。

●產後氣喘急

產後氣喘。由榮血暴竭。氣無所主。觸發于肺。故令喘急也。此孤陽絕陰。難以藥療。十死一生之候也。若敗血停滯。上朝于肺。而作喘者。奪命丹主之。

奪命丹

方見臨產條下

●產後頭疼

產後頭疼。有血虛。氣弱。痰厥。寒厥者之不同。用四物湯。隨病加減。產後感于異症。手足牽搐。咬牙頭痛。昏冒。先服加減四物湯。次服秦芫丸。

加減四物湯

卽四物湯加減方見經候條下 加減法詳見第三卷血症條下

秦芫丸

治產後氣血大虛。風邪入于頭腦。作痛者。

川芎

二兩

當歸

二兩 酒洗

秦芫

一兩 酒洗

荆芥

一兩 取穗

末之。酒糊丸。如菜豆大。每服三錢。食後白湯送下。

●產後淋瀝

附胞損

產後諸淋。茅根湯。產後敗血不止。淋瀝不斷。烏金散。淋久不止。四肢乏力。沉困。牡蠣散。產時。穩婆候損其尿胞。以致日夜淋瀝者。參朮膏主之。

茅根湯 治產後諸淋。無問冷熱膏石氣肉等淋。

白茅根 二錢 瞿麥 一錢五分 葵子 二錢五分 白茯苓 一錢五分

人參 去芦 一錢 蒲黃 生用 一錢 桃膠 一錢 滑石 一錢五分 研細水飛

半夏 薑製 三分 紫貝 一個 燒 石膏 一錢 煨過 薑燈心水煎服。

烏金散 治產後敗血不止。淋瀝不斷。腹痛頭眩。

麒麟竭 一兩 百艸霜 一兩 玄胡索 一兩 男子亂髮 一兩

當歸 酒洗 一兩 肉桂 一兩 赤芍藥 一兩 鯉魚鱗 一兩 燒灰

松墨 煨醋淬 一兩 末之。每服二錢。空心溫酒調下。

牡蠣散 治產後淋瀝不絕。四肢乏力。不思飲食。

牡蠣粉 二錢 川芎 一錢 白茯苓 一錢 熟地黃 一錢 酒浸

龍骨 煨 二錢 續斷 一錢 當歸 酒洗 一錢 艾葉 酒炒 一錢

人參 去芦 一錢 五味子 十粒 地榆 一錢 甘艸 炙 五分

右剉一劑。薑三片。棗二枚。水二盞。煎一盞。空心服。

參朮膏 治產後候損胞中。以致晝夜淋瀝不絕。

人參 白朮 各一斤。煎成膏子。每用三匙。白湯下。

產後腹痛嘔吐

產後惡露下少。敗血乘虛散入于脾為脹滿。胃受之則嘔吐。抵聖湯。產後腹脹而嘔逆者。胃氣不和故也。桔梗半夏湯主之。

抵聖湯 治產後惡露下少。敗血入于脾胃之症。

赤芍藥一錢 半夏一錢 澤蘭葉一錢 陳皮一錢

人參去芦一錢 生薑焙乾一錢 剉一劑。水煎服。

桔梗半夏湯 治產後腹脹嘔逆。調和陰陽。

桔梗二分 陳皮二分 半夏湯泡二分 薑水煎。溫服。

產後小便不利

產後小水不通者。木通散。小水不通。腹滿。用鹽填臍中。葱白一把縛定。切去兩頭。留一寸厚。置鹽上。以艾灸之。熱氣入腹。即通利也。

木通散 治產後小便不利。此藥主之。其效如神。

木通一錢 麻子仁一錢 葵子一錢 滑石一錢

檳榔一錢 枳殼一錢 甘草一錢 剉一劑。水煎服。

產後口鼻黑作血

產後氣消血敗。榮衛不理。散亂入于諸經。不得還。

元故口鼻黑氣起。及變鼻衄。此因產後虛熱變成。此症為胃絕肺敗多死。犀角地黄湯主之。十可一救。
犀角地黄湯。治產後口鼻黑作衄。

犀角

鎊碎
三錢

生地黃

三錢

白芍藥

炒
一錢半

牡丹皮

一錢
半

右剉一劑。水二盞。煎一盞。溫服。

訂補明醫指掌卷之九

訂補明醫指掌卷之十

仁和雲洲皇甫中編輯

長洲念山邵從臯校訂

男 繩山邵達叅補

小兒科

○初生護養一

歌十月嬰兒初孕育。肌膚未實陰未足。正當生下未

啼時急。以拭去胎液毒。黃連甘草硃蜜佳。免致斑

瘡夭死。速五六日間臍未乾。縱然炎熱休頻浴。但

將故絮遮其身下體單寒常露足見些風且有何妨月裏頻啼纔是福胎毒胎熱得以伸熱氣隨啼無蘊蓄勿令過愛不置懷免與新綿重被覆昧者重綿尚恐寒乳哺不離猶恐哭但見微風便感寒纔聞音響時驚愕做出疾病不可言所以富兒多命促我嘗讀此歷驗之故此子孫多易鞠

論夫嬰兒在胎稟陰陽五行之氣以生臟腑百骸氣血筋脉其形雖具肌體未實骨格未成陽氣既足陰血未全所以不可太飽煖以銷其陰此丹溪先

生之大戒也然兒在母腹中必藉母氣血所養故母熱則子熱母寒則子寒母驚則子驚母弱則子弱所以有胎熱胎寒胎驚之證初生未啼時口中尚有惡汁急令拭去更用甘草黃連硃砂蜜頻與之以解三穢液毒不惟無驚熱之患抑免痘疹之憂也月裏常令啼哭則胎中所受熱毒從而散之胎中驚氣得而解乏則旬日之間無重舌木舌口噤胎風胎熱胎驚之病斷臍後臍或方褪而尚未乾燥頻浴之則風濕侵入臍中而有臍風撮口之

非愛惜之過
者乎蓋象
之過也而又反
害之嗚呼痛
哉以分五字
本之有多矣
者下脫此言
余生十五男
女成人者十
人餘皆坐草
時之不快也至
一推此疾豈非此看養之知也

證乳食太多則有吐乳泄利腹痛痰涎驚疳風癩
之證綿衣太煖則陰內銷使兒嬌怯多病畧見此
少風寒便易感冒皆保重大過之所致也所以貧
兒堅勁無疾富兒柔脆多天者譬之草木方生以
物覆蓋蓋緊密不令見風日雨露則萎黃柔弱必矣
今之昧者往往懼此而不能育養其子後之子益
加珍愛尤悔前子之不飽煖而死竟不知其過愛
而反害之也嗚呼痛哉

初生證

此句中之有三十三字書於上層嗚呼痛哉四字

如
不
知
此
警
已
上
六
字
有
如

○小兒初生下口中尚含胎血如有手快穩婆隨即
以手幹出口中血與宿汁此是胎毒用拭穢法
○有兒生下即死者可看上脣有泡急以摘破綿拭
去血血勿入喉即活

○小兒初生氣絕不能啼者以綿衣包勿斷臍將胞
火上燒仍將大紙撚蘸油點燈燒臍帶即活
○如生下二便不通者急令人以湯漱口吸啞兒前
後心及手足心臍下共七處紅赤為度

拭穢法 預以甘草細切少許臨產時以綿裹沸湯

無如也

泡盞內覆溫。收生之際。以軟綿裹指。蘸甘草汁拭其口。次用黃連細切。沸湯泡良久。濾淨。拭兒口中。吐去惡汁。更與硃砂一大豆許。細研。以蜜一蠅殼調勻。抹兒口。服之。非獨鎮心定魄安神解毒。更能益肝膽。除煩熱。辟邪氣也。

月裏眾疾二

語字
本音
作

歌寄語人家初誕兒。勿令頻浴水。侵臍。或緣客氣相冲忤。撮口臍風。病患危。木舌。噤風。誠可畏。十朝內。染却難醫。生黃。生赤。兼生嘔。胎熱。胎寒。胎瘦。肥。更有胎驚。并內癆。臟寒。不乳。夜間啼。皆因稟受胎中。毒。致使初生病。染軀。五日以來。便溺閉。要將良法。急通之。若還。妊母遵胎教。寧得嬰兒。此症。雁。
論夫初生嬰兒。如草之萌芽。花之嫩蕊。血氣未充。肌膚未實。稍有傷觸。為患匪輕。故古人以芽兒名之花。

月裏眾疾二

芽兒名之花

外邪客氣

如右有此字

凡兒初斷臍之後不可頻浴不惟風濕侵臍抑且風寒感冒為病莫當若臍嫩入水便有臍風之患不禁生人或異物觸忤便有口噤客忤驚啼厥逆之變乳食重復不能消尅便有吐瀉生痰氣逆之病過於溫煖則陰消內熱便有生赤生黃瘡瘍丹疹赤目重舌木舌之病過涼則臟冷便有夜啼腹痛泄利盤腸內疝之疾然調理之法在乎適中可也有受胎氣成病如噤風木舌風者由胎中感受熱氣流毒於心脾故形見於喉舌生下復為風邪

子生下

如右有此字

如右有此字

搏擊名曰犯風噤也撮口臍風者亦由胎氣挾熱兼風熱入臍流毒心脾故也若母恣食熱毒辛辣則生子成胎熱病嗜食生冷則生子成胎寒症母受濕而傳於胎則子生下發黃如金名曰胎黃母受熱而傳於胎則子生下肌膚赤如丹塗及為胎肥胎瘦之候若懷孕受驚者則月裏有胎驚癇瘵之疾若妊母恣食肥甘酒麪野味腥膻一應寒熱之物及動止無忌故令兒不寒則熱不虛則怯熱則壅寒則作泄虛則作驚怯則作結善為治者寒

月者指此字

卷一

五

則溫乏。熱則涼乏。虛者壯營。怯者益衛。驚則安神。結則微利。壅則清解。泄則固脾。風則祛逐。濕則分消。痰則開豁。

胎黃

兒生下遍體黃如金。此胎中受濕熱也。其證壯熱。大便不通。小便如梔汁。乳母可服生地黃湯加茵陳。忌食熱毒之物。

生地黃湯 乳母服亦與兒服。

- 生地 赤芍 川芎 當歸 花粉等分 水煎服

胎赤

小兒月裏遍身生赤。肌如丹塗者。此胎中受熱毒也。母服清涼飲子。外以藍葉散塗之。

清涼飲子 治一切裏熱血熱

- 當歸 赤芍 甘草 大黃 右水煎服。

藍葉散 治一切丹毒赤腫。身熱風熱。毒盛赤如丹塗。

藍葉。浮萍。水苔。同研爛絞汁。調朴硝土硃塗之。

發嘔

印方曰先
用牛黃散
搽裏外以藍
葉散塗之云云
此言白脫此十二
字

此治法異於本
書

兒初生下便嘔者。此由拭口中穢血不盡咽下。故
令兒吐也。木瓜丸主之。大哭後食乳而嘔者。必乳
停膈中。氣不宣通。故嘔也。消乳丸主之。即消食丸
見變蒸門
木瓜丸

木瓜末 木香末 檳榔末 麝香各一字

蜜丸粟米大。每服三丸。甘草水下。

● 臍風撮口口噤

初生兒有三病。一口噤。一撮口。一臍風。皆是急病。
噤口尤甚。過一臘方免此症。初生七日內外。忽口

此條異於本
書

噤不乳。與撮口相似。但口噤面赤多啼。口不吐白
沫。與撮口面青啼不出口吐白沫者異。將天南星
去皮臍研為細末。龍腦少許合和。用指蘸生薑汁。
同藥末於大牙根上擦之。立開。
臍風者。壯熱痰盛。眼翻口噤是也。天麻防風丸
撮口者。唇撮聚不能開。蠟稍散。
錢孔純云。臍風撮口。若兩眉青色。臉赤腹脹。不可
用藥。聖惠方云。先撮口而生驚。若臍邊青黑。撮
口不開。是為內搖不治。瓜甲青黑即死。

天麻防風丸

方見驚風

蝎梢散 治百日內撮口臍風及胎風。

蝎梢

四十箇

僵蠶

四十箇

片腦

少許

麝香

少許

先將薄荷包札。蝎梢僵蠶在內。炒薄荷葉乾為度。共研細。入腦麝末研勻。用紫雄雞肝煎湯調下。

胎驚

胎驚者。生下至月裏。就驚踢抽掣。握拳發熱者。抱龍丸。至聖保命丹。○按前症。是內臟感受。發為真搐。難治。發不過兩三次必死。

此條異於
不也

抱龍丸

治驚風痰喘咳嗽。保肝使心火不熾也。

天竺黃

一兩

雄黃

各五錢

硃砂

各五錢

膽星

四兩

右研極細末。蜜丸龍眼大。每服一九。薄荷湯調下。

至聖保命丹

治胎驚搐搦痰盛。及一切急慢驚風。

天南星

炮

僵蠶

炒去絲嘴

防風

各五錢

全蝎

三十箇去薑泥焙乾

白附子

炮

天麻

炒

蟬蛻

各四錢

雄黃

一錢

麝香

少許

右末。蜜丸一錢重。硃砂金箔為衣。薄荷燈心湯下。

胎熱

胎熱者。胎中受熱也。大小便不利。丹毒瘡瘍。赤疹。

赤目重舌木舌口瘡是也。大連翹飲。五福化毒丹。
大連翹飲

柴胡 防風 荆芥 連翹 黃芩 山梔

木通 滑石 車前 瞿麥 蟬蛻 赤芍

甘草 便秘熱盛者加大黃。

五福化毒丹

玄參三兩 桔梗三兩 甘草七錢 牙硝五錢 青黛一兩 人參七錢

茯苓一兩 一方加黃連一兩 末之煉蜜丸一

錢。硃砂衣。薄荷湯下。瘡疹後餘毒上攻。口齒臭氣。

生地黄汁化下。

胎寒

胎寒腹痛。泄而不乳。用白薑散當歸散。

白薑散 治胎中受寒。腹痛不乳。

木香 檳榔 陳皮 甘草炙 肉桂 白薑等分

每服一錢。水一合。煎以綿蘸吮之。嘔加木瓜丁香。

當歸散 治胎中受寒。厥逆便青。心腹疼。內釣。

當歸二錢 木香 肉桂 人參 甘草減 薑棗煎

胎肥胎瘦

胎肥生下肌肉厚。遍身色紅。滿月後漸漸羸瘦。眼粉紅。五心熱。大便難。時時生涎。胎弱。生下面無神氣。肌肉薄。大便白水。時時硬氣。多噎。目無精光。肥瘦竝用浴體法。不_レ去。此下。一切潮熱。積熱。利不漿飲。九字アリ

浴體法

天麻二錢 蝎梢去毒 硃砂五分 麝香一字 白礬三錢 青黛三錢

烏蛇肉三錢 酒浸焙乾為末

右同研勻。每用三錢水三碗。桃枝一握。葉四五葉。同煎十沸。溫浴。勿浴背。

○變蒸三

歌 嬰兒臟腑未全成長養之時必變蒸。變則氣升蒸則熱。八蒸十變始成人。不_レ去。此間。有九字書於上層

論 夫小兒初生。形體雖具。其氣血精神志意。竟鬼俱未能全。故三十二日一變。六十四日一蒸。凡遇一

變。卽覺性情自有異於前。所以長養志意。故也。初生至三十二日一變。生癸水。屬足少陰腎。主精志。六十四日一蒸。二變。生壬水。屬足太陽膀胱。其發耳與尻冷。至九十六日三變。生丁火。屬手少陰心。

臟腑未全
尚未成純而
已九字有
其氣血
此三字無
於不也

主藏神。其性為喜。至一百二十八日。四變。一蒸生
丙火。屬手。太陽小腸。其發汗出而微驚。至一百六
十日。五變。生乙木。屬足。厥陰肝。主藏魂。喜哭。至一
百九十二日。六變。三蒸。生甲木。屬足。少陽膽。其發
目不閉而赤。至二百二十四日。七變。生辛。金屬手。
太陰肺。主藏魄。生聲。至二百五十六日。八變。四蒸。
生庚。金屬手。陽明大腸。其發膚熱而汗。或不汗。至
二百八十八日。九變。生巳土。屬足。太陰脾。主藏意。
與智。至三百二十日。十變。五蒸。生戊土。屬足。陽明

胃。其發不食腸痛而吐乳。又手厥陰心包絡。與手
少陽三焦二經。俱無形狀。故不變而不蒸。十變五
蒸者。天地之數。以生成之。然後生志意。能言語。知
喜怒。故云始全也。十變後六十四日。為一大蒸。計
三百八十四日也。長其經脈手足。故手受血而能
持物。足受血而能行立。又六十四日。為一大蒸。計
四百四十八日。則言語意志。大異於前。又六十四
日。為三大蒸。計五百一十二日。變蒸既足。兒乃成。
人蓋變者。變生五臟。志意蒸者。蒸養六腑。氣血故

治法異於
不云

此方本書
從古考者
易簡方
加為

此訂補從
直指

變則上氣蒸則體熱每一變蒸輕則發熱微汗如
驚五日乃解重則壯熱脉亂而數或吐或汗或煩
啼燥渴七日始解亦有變蒸之餘續感寒邪隨症
調之可也其有不熱不驚而暗變者胎氣實故耳
柴胡湯 治變蒸骨熱心煩啼叫不已或寒熱往來
人參 甘草 麥冬 去心 防風 柴胡 龍膽草
惺惺散 治變蒸發熱咳嗽痰涎鼻塞聲重或挾瘡
疹發熱者

川芎 桔梗 人參 白朮 茯苓 甘草

細辛 花粉 生薑 薄荷 水煎溫服

紫陽黑散 治變蒸熱不解及挾時瘟病

麻黃 去根節 三分 大黃 一分 杏仁 一分 一半連皮

右三味燒存性研末每服半錢水半盞煎服抱兒
於煖處取微汗身涼即愈

調氣散 治變蒸吐瀉不乳多啼

木香 香附 人參 厚朴 藿香 陳皮

甘草 等分 薑棗煎服

消食丸 治變蒸時乳食過多胃氣不能消化

砂仁 陳皮 三稜 蓬朮 神麴 麥芽等分

香附加倍 末之。麴糊丸。白湯下。量兒加減。

○辨虎口紋四

新可達新補云云

歌積黃青色是驚風。熱赤傷寒紫淡紅。黑痛白為虛冷嗽。更參隨部用神工。

論看小兒左右义手處。名曰虎口。自虎口而上。第一節名曰風關。第二節名曰氣關。第三節名曰命關。有紋見於風關易治。透過氣關漸難。過三關多死候。左手之紋。病應心肝。右手之紋。病應脾肺。紋有

五色。紫者風邪在表。驚則紋青。淡紅則寒熱在表。深紅必發傷寒痘疹。青紅者驚熱。紋亂則病久。紋細則腹痛多啼。乳食不消。紋麓直射指甲。必主驚風惡候。紋黑如墨。大抵困重難治。

○診三關脉五

新增可達撰云云

歌小兒有病須憑脉。一指三關定其息。浮洪風熱數為驚。虛冷沉遲實有積。

論浮脉為風。秋得之曰平。餘時主傷風寒。頭疼壯熱。或夜熱晝涼。咳嗽噴嚏。鼻塞清涕。嘔逆不食。洪

一指者大指也

脈爲熱。夏得之曰平。餘時主風熱壅盛。身體溫壯。發驚。瘡瘍血泄。數脈爲驚。春得之曰平。餘時主驚風抽掣。脈數小者。多睡惕跳。直視恐怖。盜汗。夢中咬牙。吐舌喘吐。脈數大者。一二日間。必發搐搦。沉遲爲虛冷。四時得之。主脾胃虛弱。滑泄脫肛。吐痢不止。日漸尪羸。以成疳困。或作疳勞。實脈爲積滯。冬得之曰平。餘時主食傷積聚。腹脹或痛。髮監吐利。緩治卽成疳勞。丁奚哺露候。當取積後補。

○吐瀉六

歌吐瀉須知熱與寒。瀉黃吐乳熱邪。瀉青吐逆爲寒候。更把天時月日參。

論經云。脾虛則瀉。胃虛則吐。脾胃不和。陰陽不順。清

濁相干。則吐瀉兼作。錢孔純云。小兒吐瀉。有濕有熱。有寒。有驚。宜詳察而分治之。如夏月中暑發渴。引飲。霍亂吐瀉。臉赤唇紅。去後黃沫色。小便赤澀者。爲熱。可用香薷五苓等藥治之。冬時中寒。腹痛厥逆。吐瀉白色。不渴。面微青色。唇紫。大便如凍汁。

此論原方
全異也
蓋邵達刊去
原論原方
附論方

或米穀不化。先戰慄而小便去者。爲寒。可用香附砂仁煨薑木香等藥治之。面微黑黃。眼亦黃。手足及腎囊稍腫。腹脹臍凸。小便短少。善嘔而無食。痰多唇白氣促。愛坐畏眠者。爲濕。可用蒼朮厚朴薏苡木瓜等藥治之。面赤身熱。睡臥不寧。目睛斜定。頸仰身搖。不時悸動。舌碎唇瘡。喎乳便青者。爲驚。可用天麻川芎茯苓肉果等藥治之。吐瀉乳食不化。因傷粘膩難消之物。滯於中脘。不上不下。但食卽吐。面色青白。發熱。四肢逆冷。不可便投止吐瀉

藥。當先取積消導。寬利胸膈。次用調脾和胃之劑。此皆合而言之也。愚謂有吐無瀉者。胃必熱。然亦有寒而吐者。有瀉無吐者。胃必寒。然亦有熱而瀉者。何以辨之。蓋吐清涼。順而易出者。爲寒。吐苦酸逆而難出者。爲熱。瀉青白。小便利者。爲寒。瀉黃赤。肛門如燒者。爲熱。又瀉痢發噦者。爲虛。只吐不瀉者。爲逆。各隨其所屬治之。可也。

和中清熱飲 治熱吐

黃連薑炒一錢 半夏薑製一錢 茯苓一錢五分 陳皮 藿香

下五方邵
達彩撰附
之不同
本書論

方劑俱代
改原書法

明醫抄

砂仁

各七分

水煎徐徐服

溫中止吐湯

治寒吐

白豆蔻

茯苓

各一錢

半夏

五分

生薑

五片

水煎磨沉香四分熱服。

清熱止瀉湯

治熱瀉

白茯苓

滑石

各一錢

白朮

六分

澤瀉

七分

川黃連

薑炒四分

加生薑煎服

溫脾止瀉湯

治寒瀉

白朮

上炒

白茯苓

各一錢

桂

三分

肉果

五分

甘草

二分

加生薑煎服

安胃醒脾湯

治吐瀉兼作脾胃俱受病者。

白朮

白茯苓

各一錢

滑石

水飛

砂仁

炒各七分

木香

煨五分

薑棗煎服

停食加枳實山查麴蘖。

夾驚加膽星天麻。

風加防風乾葛。

暑加香薷。

匾豆。

虛加人參。

內有熱加黃連。

口渴加烏

梅肉。

吐不止加藿香。

瀉不止加升麻。

○驚風七

歌小兒驚病有多端或食因驚或有痰故使卒然成

搐搦。咬牙。眼窳。足筋攣。食須消導。痰須豁。驚可清。心痰自安。或若驚風。心積熱。風痰潮作。起於肝。一時搐急。如風火驚熱。風痰四症。參吐利。致虛脾胃。損露睛昏睡。遍身寒慢驚。自是傳陰症。急救稍遲。又恐難。虛極歸脾。危急甚。脾風死。在片時間。忽因客忤驚啼症。天吊驚抽。眼目翻。內癆盤腸寒。內盛。嬰兒還有痘和癩。此為驚候。分深淺。勿得糲糊作等閒。

論夫小兒元氣未充。心神未定。輒有驚悸。致病匪一。

內皆癆

故有驚搐風搐
食積四症
此中今改之
上字合異本
書。八位。有凡
搐食搐疼
搐三者。

或多食而壅熱。或食後而遇驚。或舍空而痰聚。或內積熱而生風。故有驚搐風搐食搐痰搐四症。審其因而療之可也。或有實熱。外挾風邪。心受熱而內即驚。肝風生而發搐。痰涎壅盛。風火併作。百脉阻滯。關竅不通。風熱蕃盛。而無所泄。乃暴烈而作。急驚。其狀牙關緊急。熱涎潮作。窳視反張。搐搦。搖頭。口眼眨引。口中熱氣。唇紅。大便閉。小便赤。脉浮數。洪緊是也。或因吐利傷寒。痢疾吐血瀉血之後。元氣不足。而生風動驚者。名曰慢驚風。其狀遍身冷。

口鼻氣亦冷。或身微熱。不冷。手足癱瘓。昏睡。露睛。此無陽也。急宜溫補。隨症調之。尚可治療。其或面青額汗。舌短頭低。眼合困睡。搖頭頻嘔。口噤咬牙。手足微搐。而不收身。冷肢厥。脉微沉。此慢脾之候。由吐利損脾。病傳已極。總歸處。惟脾所受。若逐風。則無風可逐。若瘡驚。則無驚可療。但脾間痰涎。虛熱往來。此危甚也。大劑薑附。十可救一二。其天癇者。陽也。壯熱驚搐。眼目翻騰。手抽筋搐。或啼或笑。喜怒不常。甚者。爪甲青。如祟狀。蓋由乳母酒食過

度。毒氣入乳。遂令心肺生熱。痰鬱氣滯。加之以外。挾風邪故也。治宜解風熱而已。內癇者。陰也。其狀腹疼多啼。唇黑囊腫。偃僕反張。眼內有紅筋斑血。蓋風氣壅結。兼驚而得之。或胎中有驚。有風而得。先是內臟抽掣。極痛狂叫。或吐瀉。縮脚。忍疼。癇症一過。外症抽掣又來。內外交攻。極難調理。須分兩項下藥可也。夜啼者。臟冷也。蓋陰盛於夜。則冷動。冷動則為陰極。發躁寒盛。作疼。故夜啼。亦有心熱煩啼者。必有臉紅舌白。小便赤澀之症也。當分寒

熱治之。客忤者。由小兒神氣嫩弱。外來客氣。獸類異物。觸而忤之。其狀驚啼。口出黃白沫。面色變易。喘息腹痛。發則癩癡。如癩。但眼不上竄。脉來弦數。視口中有懸癰。左右有小腫核。以竹針刺之。治宜辟邪正氣。散驚定心。為上。延久則難為力也。癩有五。小兒之惡症也。幼小血氣不斂。筋骨不聚。為風邪所傷。驚怪所觸。乳哺失節。停痰結癖。而得之。其狀神氣怫鬱。瞪眼直視。面目牽引。口噤流涎。肚腹膨脹。手足抽掣。或昏或嘿。似死似生。或背項反張。

或腰脊強直。但四肢柔軟。發而時醒。為癩。其五臟形症列于後。瘥者瘥也。瘥有陰陽二症。剛柔之名。一身強硬。發而終日不醒。是也。癩有風驚食三症。各究其因而治之。詳其狀而辨之。則用藥無差。苟不知其名。而妄治。如涉海問津也。

●急驚風

急驚之論。前代書所不載。惟曰陽癩。大槩失所愛護。或抱當風。或近熱地。晝則多食辛辣。夜則衾蓋太厚。鬱蒸邪熱。積于心。傳於肝。再受人物驚觸。或

此徐之治法
果於下論
委悉于中
云云治法
彷彿於中

跌撲叫呼。雷聲鼓樂。雞鳴犬吠。一切所驚。未發之時。夜臥不穩。困中或哭。齧齒咬乳。鼻額有汗。氣促痰喘。忽爾悶絕。目直正視。牙關緊急。口噤不開。手足搐掣。此熱甚而然。况兼面紅脉數可辨。蓋心有熱而肝有風。二臟乃陽中之陽。心火也。肝風也。風火陽物也。風主乎動。火得風則烟焰起。此五行之造化。二陽相鼓。風火相搏。肝藏魂。心藏神。因熱則神魂易動。故發驚也。心主乎神。獨不受觸。遇有驚則發熱。熱極生風。故能成搐。名曰急驚。以瀉青丸

瀉肝。導赤散。瀉心。珠珀丸。牛黃丸。皆要藥也。驚風關竅不利。人不省。通頂散。驚風熱涎潮作。牙關緊急者。礞石滾痰丸。驚熱者。涼驚丸。風盛發搐者。天麻防風丸。小兒只有痰熱。未有驚風者。止可退熱化痰。不宜妄投驚風藥。蓋經絡本無病。而以寒涼攻擊之。反使痰熱透入。却成風癇症。急驚風惡叫。二三兩聲者。是心絕難治。急驚風四肢俱軟者不治。急驚風鼻中出血者。其熱將散。故易治。口中出血者。是血妄行。故難治。驚風大小便秘者。易治。尿屎

遺者難治。急驚風。關黑紋條直者死。

瀉青丸 又名鎮肝丸 治肝熱驚風。目竄或暴赤抽搐。

當歸 川芎 山梔 大黃 羌活 防風

膽草 生地 竹葉 琥珀 天竺黃 各等分

右為末。蜜丸。芡實大。砂糖湯下。加硃砂。名驅風膏。

導赤散 治心經實熱。從小便利之。

生地 木通 甘草 淡竹葉 各等分 水煎服。

一方加防風。黃芩。黃連。導去心經邪熱。搐自止。

珠珀丸 治驚風痰涎。熱嗽不出聲。上下不能升降。

牛黃 一錢 天竺黃 琥珀 各五錢 雄黃 四錢 冰片 一分

膽星 二兩 青礞石 硝煨如金色者一兩 細珠子 一錢五分

一方有枳殼微炒一兩。生黃芩二兩。右各研

極細末。蜜丸。重一錢二分。硃砂金箔為衣。 薄荷燈心湯下

牛黃丸 治一切驚風。肺脹喘急。痰涎灌膈。手足搐

搦。目竄口喎。角弓反張。悶亂癲癇。呵欠昏憤。

全蝎 僵蠶 天麻 羌活 防風 等分 膽星 二倍

天竺黃 次 雄黃 加 牛黃 冰片 麝香 一字

右各為細末。研勻。蜜丸。重一錢二分。硃砂金箔為

衣薄苛燈心薑湯調下。大人中風亦可服。

礞石滾痰丸 治驚癇痰涎壅盛喘促不寧。

大黃酒拌 黃芩各四兩 礞石硝煨金 沉香二錢

右為末。蜜丸如芡實大。量兒加減。大人亦可服。

涼驚丸 治驚熱

防風三錢 青黛三錢 龍膽草三錢 鈎藤二錢

牛黃五分 麝香一分 龍腦少許 黃連二錢

右為末。蜜丸。芡實大。每服一九。薄苛湯下。不拘時。

通頂散 又名搐鼻散 方見中風

頭

此傑異於

本草書
于治法
於中書也

慢驚風

慢脾風

如之。有驚搐一條無於此

慢驚受病不一。或急驚用涼藥。取下太過。以致脾胃虛損。風邪乘之。又有吐瀉不止而成者。有氣虛暴吐瀉而成者。有傷寒傳變日久而成者。有久嗽而成者。有下積峻取而成者。惟吐瀉積痢成虛。則變症甚速。凡纔吐瀉。便是慢驚。須用溫中快裏。或搐來緊急。乃慢驚初傳。尚有陽症。不可誤作急驚。用涼藥。世言搐慢為慢驚非也。若泥此。徃徃指慢脾風為慢驚矣。凡慢驚。男子以瀉得之為重。女子

慢驚凡
此治法異
本古而畧
書不及
如古之未
三

以吐得之爲重。古人有云。病家怕驚不怕瀉。醫家怕瀉不怕驚。如瀉久不止。且先治瀉。若更治風。則驚風愈甚。只可養脾安胃生津。大養脾丸。參苓白朮散。大醒脾散。烏蝎四君子湯。不拘時服。如因他症例。當循根原施治。慢驚口眼手足一邊牽引者。難治。慢驚風要唇紅。若顛腫者死。仲景云。陰不得有汗。蓋陰症無汗。有汗亡陽。故凡慢驚有汗多死。○慢驚傳入慢脾。其變甚速。虛又甚也。治必循次平和。無令速愈之理。治法大要生胃回陽。不可過劑。

仲陽有黃土湯。以土勝水。木得其平。則風自止。以脾土爲本也。若眼半開半合。手足不冷。症候尚在。慢驚。則勿用回陽。或已入慢脾。而陽氣猶未脫者。亦未可卽用硫黃附子等劑。手足漸煖。仍以醒脾散等調之。慢脾風用藥。仍非得已。危如燈無油。漸見昏滅。慢脾風若見有一臟絕。卽不可用藥。

天麻防風丸 治一切驚風。

天麻 防風

人參

各一兩

膽星

二兩

雄黃

三錢
另研

甘草 炙 全蝎

薄芎湯煮
數沸焙乾

殭蠶

炒去絲嘴
各五錢

右為末。蜜丸。彈子大。硃砂金箔為衣。每服一九。薄
苛燈心薑湯下。如驚重。每丸加牛黃半分更効。

至聖保命丹

方見前
胎驚條

一切急慢驚風皆治。

參苓白朮散

方見四卷
泄瀉條

治脾虛泄瀉之要藥

大醒脾散 治慢脾風

白朮

茯苓

陳皮

甘草

人參

石蓮肉

木香

丁香

南星

白附

砂仁

全蝎

右陳倉米一撮。生薑一片。大棗一枚。煎服。

烏蝎四君子湯

治慢驚慢脾風吐瀉不止者。

夜啼

即四君子。加川烏全蝎。薑棗煎

●夜啼

夜啼有寒。腹痛面青。口中冷。厥逆便泄不乳。鈎藤
散去當歸。加乾薑肉桂。夜啼有熱症者。鈎藤散去
當歸木香。加辰砂木通。或乳頭散。啼而不哭是痛。
故直聲來往無淚。哭而不啼是驚。故連聲多淚。若
眼白青色。唇紫不治。

鈎藤散

鈎藤

茯神

茯苓

川芎

當歸

木香

等分

甘草減半 薑棗煎服。加減如前。

乳頭散 又名火燈花 七箇 硃砂 少許 蜜調塗乳頭。與兒吮

●客忤

客忤者。取其觸忤之意也。小兒氣血怯弱。精神恍惚。忽遇生人。及牛馬之類。感觸則生驚。狀貌如癇。眼不戴上。其脉弦急數者。是其候也。若中惡客忤。急作醋炭。或降香棗角薰之。以蘇合香丸薑湯調灌。用豆豉搗丸。彈子大。擦五心五六次。

蘇合香丸

方見第二卷中風條

●天癇

小兒天癇者。取其眼上視而名之也。其症心神不安。渾身壯熱。手足抽掣。驚悸。眼目翻騰。痰熱壅滯。此候皆因乳母飲食無常。酒肉過度。毒氣入乳。卽便乳兒。遂使宿滯不消。心肺生熱。熱盛鬱滯。加以外挾風邪。致有此症。况小兒發搐。未有不眼上者。實以陽搐之候也。治宜去痰解風熱。用鈎藤飲。如見魚口。鴟聲。目無光。指甲黑者死。

鈎藤飲 治天癇潮熱

鈎藤 茯苓 各五錢 大黃 煨二錢半 防風 硃砂

蟬退 羌活 獨活 青皮 甘草 各二錢

右為末。每服二錢。薑棗煎。

●內癩

驚風內癩。盤腸氣癩。大同小異。內釣兼驚風而得之。服乳香丸。効。氣釣惟小腸為寒所搏。宜鈎藤膏治之。歌云。盤腸氣發先腰曲。無淚叫啼眼乾哭。口開脚冷上唇烏。額上汗流珠碌碌。

乳香丸 治驚風內癩。痛不可忍。

乳香 沉香 檳榔 各一錢半 蝎梢 二七箇 沒藥 半錢

右為末。煉蜜丸如豆大。嬰兒每服三丸。一歲五丸。三歲七丸。以意加減。煎乳香湯下。

鈎藤膏 治盤腸氣釣

乳香 研 沒藥 研 薑黃 木香 共為末。煉蜜為

膏。每服如皂子大。煎鈎藤湯下。一日三服。

●瘵症

瘵候。由先傷於風。又感寒濕致之。此虛極生熱。熱極生風之甚者也。傷風發熱。頭疼。汗出。嘔吐。醫者

異於本書

異於本書

不明又汗之必發瘥寒濕發汗稍多亦發瘥此症
項背強直腰身反張搖頭癡瘖口噤發熱腹痛不
醒其狀可畏病足太陽經剛瘥無汗柔瘥有汗其
面紅眼赤牙緊手張痰涎壅盛昏憤煩渴小便赤
澀先讖語而發者剛瘥也其大便滑泄不語不滑
先手足冷而發者柔瘥也竝以小續命湯加減剛
瘥去附子用麻黃柔瘥用附子去麻黃大便利厥
逆者則以熟附子佐之瘥最難瘥十救其一過三
日則難治也

小續命湯

方見第二
卷中風條

●瘥症

大抵瘥症多端不出五者若面赤目瞪舌吐心煩
者為心瘥若面青唇青目上窺手足攣掣反折為
肝瘥若面黃腹滿自利四肢不收為脾瘥若面白
如枯骨目白反視驚跳口吐涎沫為肺瘥若面黑
而晦振目視人吐清沫不動如尸為腎瘥五臟之
瘥雖各有主然不過風驚食三者又不外陰陽二
症陽瘥發熱脉浮洩赤便秘口中氣熱其病在腑

三
五
六

易治陰癰身冷脉沉口中氣冷其病在臟難治治風癰則先散風治驚癰則先利驚治食癰則先消道續以定癰等劑主之

化風丹 涼風化痰退熱定搖治風癰先宜此藥

膽星 羌活 獨活 防風 天麻 人參

川芎 荆芥 粉草各一錢 全蝎一箇

右為末煉蜜為丸皂角子大每服一錢薄苛湯下

比金丸 治驚癰先用此藥

人參 琥珀 茯苓 朱砂 遠志薑制取肉炒

天麻 南星 川芎 菖蒲 青黛各一錢 麝香一匙

右為末蜜丸桐子大每服一二丸金銀薄苛湯下

虎睛丸 治驚癰邪氣入心

虎睛 遠志薑制 犀角剉 大黃煨 菖蒲 麥冬等分

蟻螂去足翅炒三枚

右為末米糊丸桐子大每服一二丸金銀湯下

○疳病八

歌心肺肝脾腎五疳形容羸瘦髮毛乾四肢枯細尿如乳壯火青筋飲食貪心症口乾時壯熱虛驚面

赤更心煩。搔頭揉目睛。生膜髮直筋青。疾在肝。咳嗽氣粗多喘急。肺家洒淅熱。仍寒遍身瘡疥。形如鬼足冷。斷宣把腎。參腹滿氣粗。頻泄利。脾虛偏愛土泥。食潮熱骨蒸。多盜汗。勞疖羸瘦。面黃顏脊疖。脊骨如刀鋸。指背生瘡。可驗看腦熱。顛高疖在腦。乾疖乾渴。大便難。熱疖便澁。身如火。泄利頻頻。認作寒。齒痒多啼。唇口紫。蛔蟲盤結。胃腸間下突。項小并顛陷。肉削尻高。臍又翻。哺露往來。虛熱甚。頭開嘔吐。胃中關無辜。腦項因生核。不破須知治療。

難

論夫小兒臟腑嫩嬌。腸胃脆弱。易傷飲食。一或失調。不為疖者鮮矣。蓋飲食恣情甘肥無度。致傷脾胃。脾胃一虛。則飲食不能運化。食不能化。則腹滿泄利。生熱生積。生痰。所以肌肉日削。氣血日消。元氣日損。骨熱煩蒸。或幼小缺乳。粥飲太早。耗傷形氣。此二者疖之所肇端也。延及歲月。多致不救。疖之狀不一。古有五疖之名。蓋傳入五臟也。如心疖者。面黃頰赤。煩滿壯熱。心煩虛驚。口瘡肝疖者。搔頭

揉目白膜遮睛合面而睡汗流面色青黃髮立青
 筋腦熱羸瘦脾疳者肚腹脹氣粗利下酸臭愛喫
 泥土肺疳者咳嗽氣逆多喘揉鼻咬甲寒熱往來
 腎疳者肌體極瘦遍身瘡疥齒腫斷宣甚則牙斷
 潰脫俗云走馬疳寒熱頭熱脚冷此五疳也五疳
 之外又有熱疳者潮熱如火大使澀滯冷疳者時
 時泄利腹痛虛汗不正疳勞者骨蒸潮熱盜汗腹
 急面黃肌瘦飲食不為肌膚脊疳者蟲蝕脊骨身
 熱黃瘦煩熱下痢脊骨如鋸十指皆瘡頻齧爪甲

腦疳者頭悶腦熱滿頭生瘡身汗顛腫乾疳者瘦
 瘁少血舌乾目睛不轉乾啼身熱手足清冷皮燥
 便秘搭口癡眼疳渴者臟中有風熱疳氣加之乳
 母恣食五辛酒麩炙燂使兒心肺壅熱日則消渴
 飲水乳食不進夜則渴止疳瀉者毛焦唇白額上
 青紋肚大腸鳴泄利疳痢者挾外邪或停宿滯頻
 下惡痢疳腫脹者虛中有積毒與氣并故腹肚頭
 面四肢浮腫蛔疳者多啼嘔清水腹痛脹滿唇口
 紫黑腸頭及齒痒丁奚疳者手足極細項小尻高

肉削體瘦。臍突號哭。胃陷。或生穀瘵。愛喫生米。哺露疳者。虛熱往來。頭骨分開。翻食吐蟲。煩渴嘔噦。無辜疳者。腦後項邊有核。如彈。按之轉動。軟而不疼。其間有蟲。如米粉。不速破之。則蟲隨熱氣流散。淫蝕臟腑。以致肢體癰瘡。便利膿血。壯熱羸瘦。頭露骨高。初起可用鍼破。膏藥貼之。得之浣衣時。投入衣。露於簷下。為無辜鳥落羽所污。兒著此衣。蟲入皮膚。故也。若衣用火烘著。則無此患。凡此之類。皆疳症也。

治法本書
分五疳
圖與諸疳
圖上各為
也此書ハ
漫不詳

茯苓丸 治心疳驚疳

茯苓 琥珀 黃連 蘆薈 赤茯苓 各三錢

遠志 薑制 菖蒲 各一錢 麝香 少許 蝦蟇 炙 鈎藤皮 各二錢

右為末。米糊丸。如麻子大。每服十九。薄荷湯下。

大蘆薈丸 治肝疳。殺蟲。和胃。止瀉。兼治春疳。

蘆薈 研 胡連 川連 蕪荑 去 青皮 木香

鶴虱 微炒 雷丸 破開白者佳。赤色者殺人。不用等分。 麝香 少許 砂仁 減半

右為末。米糊丸。菉豆大。每服一二十九。米飲下。

清肺飲 治肺疳。熱匿穿鼻孔。汁臭。或生瘰肉。

紫蘇 前胡 黃芩 當歸 連翹 防風

赤茯苓 生地 天冬去心 甘草炙 桔梗各二兩 桑皮炒半兩

細判。每服二錢。水煎。食後服。

肥兒丸 治脾胃食疳。若治一切疳。後備加減法。

麥芽 神麴 史君 胡連 木香 檳榔

肉果。○有蟲。加鶴虱。雷丸。胡粉。苦練根之類。○

積多。加三稜。蓬朮。枳實。厚朴之類。○眼痛。加木

賊。龍膽。車前之類。○腹膨脹。加蘿蔔子。蝦蟇乾

之類。○浮腫。加赤茯苓。滑石。桑皮之類。○脾虛

泄瀉。飲食不為肌膚。加四君子之類。○肺熱咳

嗽。潮熱骨蒸。衄血盜汗。加白芍。生地。黃芩。知母。

銀柴。地骨。門冬之類。○渴。加天花粉。烏梅之類。

○血虛脉弱神衰。加當歸。熟地。人參。紫河車。

右為末。丸如龍眼大。每服一九。空心陳米湯化下。

九味地黃丸 治腎疳

熟地四兩 赤茯苓 山茱萸肉 川練子 當歸

川芎 丹皮 史君子肉 乾山藥各二兩

右為末。蜜丸。梧子大。每服七八十九。空心溫酒下。

走馬牙疳方 滕氏真傳

五倍子焙 人中白煨 枯礬 緋丹焙紫 輕粉少

片腦少

右共研勻敷患處

● 疰病附

小兒未斷乳。母復有胎。兒飲其乳。羸瘦骨立。髮黃壯熱。大便不調。名曰疰病。或有姪而抱他兒。亦能致之。先令兒斷乳。後服消乳丸。方見變蒸 異攻散 即四君子加陳皮。

此條字
去邵達
新附之

○ 瘧疾九 新增 邵達新補無七之

歌 兒瘧多從痰積成。風傷驚觸不同論。頭疼體痛為風瘧。發搐由來必是驚。咳喘便知痰所得。若還食瘧腹中疼。瘧久脇傍因有塊。此名瘧母為根深。
論 小兒之瘧。多是食積痰飲。留於脇下。故作寒熱。蓋人之一身。腰以上。陽主之。腰以下。陰主之。脇下者。當其中。為陰陽升降之樞。故脇下有痰食。塞其道。路。陽欲與陰交。而為所阻。熱斯作焉。陽得過其處。熱斯解矣。陰欲與陽交。而為所間。寒斯作焉。陰得

過其處。寒斯息矣。又有寒熱往來。兼以頭疼骨節痛。明是風邪。得汗即解。又有寒熱往來。兼以腹膨作痛。明是食積。得下即愈。又有熱而不寒者。病在裏。調其中而已。寒而不熱者。病在表。解其肌而已。一日一發者。榮衛行速故也。得病為近。間日一發者。榮衛行遲故也。得病為遠。凡治小兒之瘧。以食積痰飲為主。而風邪次之。驚又次之。乃得治瘧之要焉。詳載第四卷第二論中。

○瘧疾例方

檳榔 草果 半夏 貝母 柴胡 黃芩等分

甘草少許 煎服

○食瘧腹膨食少。或時作痛。

麥芽 神麴 檳榔 草果 柴胡 蘇葉

蘇梗各一錢 煎服

○痰瘧咳嗽喘急

川芎 柴胡 貝母 知母 橘紅 黃芩

蘇子各一錢 煎服。

○風瘧頭痛。骨節疼。或鼻塞氣促。

羌活 防風 蘇葉 川芎 柴胡 白芷 等分

甘草 減半 煎服

○驚瘧寒熱發搐

茯神 遠志 去心 麥冬 去心 柴胡 半夏 薑制各一錢

甘草 二分 煎服

○瘵瘧久不愈脇下有塊俗名瘵母服鼈甲丸 方見四卷

○陰瘡至晚即發累月不已

人參 芍藥 炒 川芎 柴胡 各一錢 炙甘草

紅花 各三分 煎服

九十

○痢疾十 新增 邵達補撰無可云

歌小兒食積因成痢初起必當先導滯赤屬熱而白

屬寒紅而散者從傷治下如五色定難醫久病脫

肛宜補氣若還身熱不加餐從來患此終須斃

論小兒痢疾不問新久皆以食積治新者必用消導

久者必兼調補挾熱治熱挾寒治寒挾傷治傷白

者為寒赤者為熱深黃者亦熱紅而散者為傷治

痢以傷痢或尋愈治傷以痢未有愈者 詳載第四卷宜參看

○初痢宜消導

檳榔 枳實 蓬朮 大黃 牽牛等分為細末。白滾湯送下。每服三錢。逐去積滯。徐為調補。

○赤痢宜消化兼涼

當歸 黃連 滑石 赤麴 芍藥 神麴

陳皮各一錢 甘草四分 煎服

○白痢宜消化兼溫

白朮 茯苓 神麴 麥芽各一錢 肉桂

木香 甘草各三分 煎服

○純血痢兼傷治

當歸 紅花 赤麴 滑石 山查 麥芽各一錢

甘草三分 煎服

○積病十一 新法 引 海 抄 卷 之 五

歌積病原因乳哺成。審其虛實察其形。更看驚積與氣積。面黃肚熱得其情。

論小兒有乳積。食積。氣積。驚積。虛積。實積。積塊之不同。惟夜間有熱。肚熱面黃者。傷積之明驗也。乳積者。因兒啼叫未住。即便乳兒。致傷胃脘。吐下酸臭。是也。食積者。乳食過飽。飽即困睡。肚脹吐瀉是也。

明醫指掌 卷十
氣積者。因母怒氣不散。即便乳兒。兒食氣乳。停滯不化。腹痛多啼。痢如蟹渤是也。驚積者。受驚而後有積。時泄青菜汁是也。虛積者。或曾傷食吐瀉。或曾取轉致虛。其積尚伏。故曰虛積。面與手足俱腫是也。實積者。壯熱尿硬。口渴引飲。善食是也。和脾化積湯。加減治之。積塊者。丹溪云。氣不能成塊。乃痰與食積死血也。凡治積塊。不可專用下藥。徒損真氣。病亦不去。當消導行血開痰為主。塊去須大補。錢孔純云。癖塊遊走不定。攻則痛悶。日漸枯瘦。

急用化癖法貼之。內服消積化聚丸以除癩疾。若臉黑頰青不治。詳載第四卷。宜參看。

和脾化積湯 治小兒一切諸積。後備加減法。

山查 枳實 蓬朮 厚朴 白芍 甘草

陳皮○乳積。加砂仁。香附。○氣積。加木香。蘇梗。○驚積。加茯神。遠志。○虛積。加白朮。茯苓。○實積。加檳榔。牽牛。○表有熱。加柴胡。黃芩。○裏有熱。加黃連。木通。○小便不利。加滑石。澤瀉。○大便不通。加大黃。枳殼。○寒月。加益智。草豆蔻。

消積化聚丸

治五積六聚痞癖攻痛

三稜 白朮炒 茯苓 黃連 乾漆炒去烟 木香

礞砂 益智炒 歸尾酒洗 麥芽微炒各三兩 紅花

砂仁炒 門冬 枳殼炒 穿山甲燒灰 青皮

柴胡 神麴炒各二兩 蓬朮煨 檳榔炙 桃仁

香附薑汁拌炒 鼈甲醋炙各四兩

右末蜜丸重三錢空心陳米湯化下。

琥珀膏

一 大黃 朴硝 各一兩為末以大蒜搗膏貼之。

○傷寒十二新增 傷寒論卷之七

歌 嬰兒氣怯病傷寒。夾食夾驚分兩般。要解六經傳變候。參詳仲景活人方。

論 活人書云。傷寒大人小兒治一般。但小小分劑。藥性差涼耳。要之其傳變。其形證與大人不殊也。其所異治者。夾驚夾食而已。錢仲陽云。小兒正傷寒者。謂感冒寒邪。壯熱頭痛。鼻塞流涕。長寒拘急。是也。須解表微汗。夾驚者。因驚而又感寒邪。或因傷寒熱極生風。是熱乘于心。心神易動。故發搐也。當

先發表後利驚。夾食者。或先傷于風寒。後復停滯。飲食。或先停滯飲食。而後傷于風寒。以致發熱氣粗。噯氣。壯熱。頭疼。腹脹作痛。大便酸臭。先用解散。次與消導。不解者。大柴胡湯下之。其六經傳變證治。當遵仲景法。自有專方。不復贅論。夾驚夾食者。各從本症治之。

疎邪定驚湯 治夾驚傷寒。乃太陽經之藥。

麻黃 羌活 白芷 防風 膽星 天麻

薄荷 黃芩 前胡 桔梗 ○冬月無汗。去

黃芩薄荷。加生薑葱白。三時去麻黃。○陽明經。目痛。鼻乾。不眠。脉洪而長。加葛根。○少陽經。耳聾。脇痛。脉弦數而嘔。加柴胡。半夏。橘皮。生薑。○少陽陽明合病。加柴胡。葛根。芍藥。去羌活。麻黃。蓋少陽有三禁。不可汗。下利小便也。○傳入陽明。為裏。脉沉實。譫妄惡熱。六七日不大便。口燥咽乾而渴。用大柴胡湯。

解肌調中飲 治夾食傷寒。乃三陽經之藥。

羌活 防風 柴胡 乾葛 蘇葉 黃芩

枳實 厚朴 神麴 山查 陳皮 半夏

加砂仁五分。生薑三片煎服。○如冬月去黃芩。加麻黃。夏月加石膏。○渴加天花粉。去半夏。○有汗去蘇葉。加芍藥。○胸中滿悶。加枳殼桔梗。○喘加杏仁。○嗽加金沸草前胡。○表邪退而便秘者。去羌活。防風蘇葉。乾葛。加大黃。

大柴胡湯 治內熱大便難身熱不惡寒反惡熱

柴胡 黃芩 芍藥 半夏 枳實 大黃
右薑棗煎服

○痘瘡十三

歌熱徹標形必定稀根紅色澤滿而肥清便自可身無恙飲食如常不用醫出不快時尤可發密宜解毒勿教遲鮮紅恐後翻成紫泄痢須知裏氣虛五六日來生痒塌咬牙寒噤異功宜瘡稠力薄難肥滿天劑參歸及桂著紫草川芎香白芷更加糯米復何疑青乾黑陷洩使澀可用宣風急下之身熱渴煩微腹滿喘而便秘面紅穢心煩悶亂洩黃赤利水還須導赤除七八日來猶發熱內因熱盛外

蒸皮故使斑瘡痂不著。宣風散子入生犀耳尻反熱知歸腎黑陷分明有死期百祥丸瀉膀胱火下後身溫飲水奇。急用溫脾爲上策。十中一二可扶持。

論夫痘瘡皆由于子在母胎中受其三穢液毒停蓄臟腑皆太陰濕土壅滯君相二火之所作。因小兒真氣既盛正氣初旺邪無所容。或風○傷于表。食飲傷于裏。其毒由是發焉。故因小兒治外。因內者治內。內外皆知。其痘自出。至于惡寒。發之表太熱。

者奪之裏渴者清之。秘者通之。驚者安之。泄者分之。虛者補之。寒者溫之。熱者和之。不可執一。大抵如傷寒隨經用藥。最爲高論。若輕者發熱四五日熱徹始出。其瘡必稀。故前後心無頭面稀少。明潤光澤。作三四次出。無內外邪症。便溺如常。飲食如故。此受之最輕也。不用服藥。自已其一熱便湧出。密如針頭。不分根脚。尚有表邪。時忽泄利嘔逆。飲食不進。或煩悶不安。或狂躁不寧。大小便秘澀不通。瘡色鮮紅。或灰白色而不澤。或隱隱在于皮膚。

自大抵已下之
文多事皆全
黑也
切云、八之、不、切
矣、下、有、五、平
一、子、曰、今、之
逆者不審虛
實寒熱之症
但見危急之
病藥用和香
散異切散其
虛者俾勿獲
勿寧也、然、有、服、之、而、不、效、人、有、幾、希、矣、云、云、

中或咳嗽鼻噴不止或腰痛不能立起耳尻反熱
身體反冷惡寒振慄咬牙痒塌渴燥不止黑陷青
紫倒靨此皆沉重之候也必審其寒熱虛實而調
之則無不効矣大抵寒為虛熱為實氣虛寒則宜
溫補氣實熱則宜清涼血虛則宜補血血熱則宜
解毒必取其氣血中和無過不及可也凡痘灰白
不紅綻不起發出不快昏暗陷頂皆表寒而虛二
便清飲食不化身涼手足口氣俱冷不渴少食唇
白涕清皆裏寒而虛此表裏虛寒之症急宜溫脾

胃補氣血當用參耆四物木香肉桂等藥以助貫
膿收靨夫表虛者以補氣為主而補血次之裏虛
者於補血之中而兼補氣苟能補氣而脾胃自壯
胃氣隨暢在後必無陷伏之憂既能補血則氣血
週流送毒出盡不致凝滯在後必無痒塌之患凡
紅紫乾滯黑陷焦枯者皆表熱而實大便秘結小
便赤澀身熱鼻乾氣熱唇燥煩渴者皆裏熱而實
此表裏實熱之症急宜涼血解毒當用化毒湯紅
花紫草黃芩牡丹皮蟬退鼠粘荆芥之類如表熱

者。則宜清涼解表。而分利次之。裏熱者。則重于解毒而兼清涼。或在二三日之前。熱毒盛者。微下之亦可。蓋涼血不至紅紫。解毒則免黑陷。故表虛不補。則成外剝。裏虛不補。則成內攻。表實過補。則不結廬。裏實過補。則發癰毒。所以痘症變遷無常。若色一轉。又當變通。不可拘于一定也。

●氣虛

一 九氣虛之症。初發身熱。手足厥冷。乍涼乍熱。精神倦怠。肌肉皖白。飲食減少。四肢倦而睡臥安靜。便

已下本書
有未出已出
不快解毒重
虛心圖此書
無定有氣虛
血熱毒盛三
立單一者異蓋
此書採證治準繩
繩備加減法
內仲仁分氣虛血熱
抱壅三證治法
記之者也準

清自調。虛症無疑。未見點前。用參耆飲加輕劑發散。如紫蘇防風白芷。見點之後。用參耆飲加輕劑開提。如川芎桔梗。見點四日之後。重用參耆飲。隨病加減處治。七八日漿足之後。保嬰百補湯調養氣血而已。此症末稍。塌陷黑靨者。多用木香異功散收功。

●血熱

凡血熱之症。初發身熱壯盛。腮紅臉赤。毛焦色枯。煩躁渴欲飲水。日夜啼哭。睡臥不寧。好睡冷處。小

便赤澀熱症無疑。未出之前，治從升麻葛根湯。或升麻流氣飲。雖皆可服。縱不若十神解毒湯爲穩。既出至見點三四日後，熱症悉平。勢將行漿，從太乙保和湯加減。八九日漿足之後，則有保嬰百補湯調養之。

●毒盛

凡熱毒擁遏之症，初發身熱壯盛，腮紅臉赤，毛焦皮燥，氣粗喘滿，腹脹煩躁，狂言譫語，睡臥不寧，大便秘結，小便赤澀，面浮眼脹，多啼多怒，的係熱毒

擁遏。未見點時，先須升麻葛根湯一服。隨服羌活散鬱湯。至見點三日之內，諸症悉平。勢將行漿，則服益元透肌散加減。漿足之後，卽服保嬰百補湯調養而已。六七日外有紫黑乾枯及青灰乾白陷者，則有奪命大造、百祥、牛李、猪尾、宣風、獨聖等方，皆可審用。惟曾經泄瀉有木香異功症，則從木香異功散治之。

參耆保元湯 治氣虛痘症

人參 錢一 黃耆 錢二 甘草 五分 初熱生 官桂 三分

用出定灸用

明醫抄卷一
右剉。加生薑三片。糯米一撮。水煎。入人乳溫服。○
按參耆甘草。性味甘溫。專補中氣之虛。而又加官
桂以制其血。血在內。引而出之。血在外。引而入之。
參耆非桂之逐血引導。則不能獨樹其功也。又加
生薑糯米。以助參耆之力。

十神解毒湯 治血熱痘症。古人用黃連解毒湯。恐
驟用寒涼。不惟冰伏。熱毒反出不快。抑且熱毒爲
其所抑。則鬱于臟腑。或肚痛腹脹。內潰而死者有
之。豈若此方內外分消。用之爲當。

生地 丹皮 赤芍 歸尾 紅花 川芎

桔梗 木通 連翹 腹皮 ○身熱壯盛。加

葛根前胡。○毒盛綿密。咽痛。加甘草。荆芥。鼠粘

子。○口渴煩躁。加麥冬。天花粉。○大便秘。加枳

殼。前胡。酒蒸大黃。○小便短澀。睡臥不寧。譫語。

加山梔。竹葉。燈心。○發斑。加玄參。犀角。紫草。

羌活散鬱湯 治毒盛擁遏喘脹。或爲風寒外搏者。

羌活 防風 白芷 荆芥 桔梗 地骨皮

川芎 紫草 甘草 連翹 惡實 大腹皮

右為粗散。水一鍾。燈心十四莖。煎六分。溫服。

太乙保和湯 又名紫草透肌湯 專治血熱痘症。服十神解毒

湯後熱症悉去。內外和平。見點三日之後。不易長

大。用之則能保和元氣。活血解毒。助痘成漿。

紫草 川芎 山查 桔梗 人參 甘草

生地 紅花 木通 糯米 生薑 燈心

升麻葛根湯 治痘初發熱疑似之間

葛根 升麻 甘草 芍藥 生薑煎服

益元透肌散 專治擁熱痘症。服羌活散鬱湯後。擁

症悉開。氣血和平。見點三四日後。不肥大。不成漿者。用之則能勻氣解毒。透肌達表。領出元陽。助痘成漿。而易結膿窠也。

鼠粘 蟬蛻 陳皮 桔梗 木通 山查

川芎 紫草 人參 甘草 大棗燈心煎服

異功散 治表虛痒塌。內虛泄瀉。寒戰咬牙。頭溫。足冷

木香 官桂 人參 附子 當歸 白朮

茯苓 陳皮 厚朴 丁香 肉果 半夏

木香散 治痘灰白表虛。內虛泄瀉腹脹。

木香 丁香 人參 甘草 茯苓 腹皮

桂心 青皮 前胡 訶子 煨薑 大棗

保嬰百補湯 治痘瘡八九日漿足之後別無他症

以此方調養氣血資補脾胃。若有別症。隨虛實加

減。

當歸 芍藥 熟地 山藥 人參 白朮

茯苓 甘草 黃芪 大棗 水煎溫服

訂補明醫指掌卷之十 終



内閣文庫
番號 漢 12633
冊數 4 (4)
函號 301 68